



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search



Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WIDENER LIBRARY




HX JNPN B

C5033.5







**IDEA
HIERARCHIÆ ROMANÆ**

QUALIS

**SECVLO XIII IN SCANDINAVIA PRÆSERTIM
EXSTITERIT, GESTIS LEGATIONIBUSQVE**

GUILLELMI SABINI ILLUSTRATA.

COMMENTATIO HISTORICA,

QVAM

PRO SUMMIS IN PHILOSOPHIA HONORIBUS

RITE CAPESSENDIS

PUBLICO ERUDITORUM EXAMINI

SUBMITTET

HECTOR FRID. JANS. ESTRUP,

RÉSPONDENTE ORNATISSIMO.

BALTH. MÜNTER,

STUDIOS, THEOLOGÆ.

DIE 6. JAN. MDCCCXVII.

HAVNIÆ.

Typis H. F. POPPE.

Hoc opusculum, quod exquisita eruditione et
gacitate censoribus se egregie probavit, dign
judicat Facultas Philosophica Universitatis Hav
ensis, quod ad summos in Philosophia hono
obtinendos publicæ disquisitioni subjiatur.

Havniæ Cal. Dec.

a. MCCCXVI.

B. Thorlacius,

p. t. Decan. Fac. Phil.

**VIRO DOCTISSIMO,
MAG. PETRO ESTRUP,**

PATRI OPTIMO,

HUNCCE LIBELLUM,

JUSTÆ PIETATIS TESTEM,

SACRUM ESSE

JUBET

FILIUS.

C 5033.5

~~III. 10977.~~

Harvard College Library
Vol. 1. 1891 Collection
Gift of A. C. Goodridge
Jan. 10, 1904

v M 843

CONSPECTUS ARGUMENTI.

PROLEGOMENA.

Pag.

- I. Praemonenda quaedam de hierarchia, ejusdem primordiis et natura et ministris, quibus in Scandinavia praesertim usa est. Exponitur consilium dissertationis et partitio argumenti. I-9.

Sectio I.

2. Ortus Guillelmi Sab. ingenium, educatio primaque in ecclesia munera suscepta. 9-14.
3. Res sacrae et civiles Livoniae atque Gothlandiae per Guillelmum ordinatae. - 14-25.
4. Opiniones, quibus in historia Guillelmi legati lacunae explentur, quibusque rationes nonnullae hierarchiae septemtrionalis illustrantur. 25-38.
5. Controversiae inter regem Daniae et ensi-feros composita. Magna Guillelmi merita de rebus Poloniae constituendis et servitute in Septentrione abolenda. . 38-52.

divinâ auctoritate firmati ignes coëlitus petros ad animos civium admoveant, sufflent, alant, quo illi demum, quæ sibi sit origo coelestis divinæque sors, mente et animo percipientes ad veram salutem recta via pergant? —

Augusta hæc et sancta fingitur idea, quam per decursum sæculorum civitas mentalis quæque bene constituta exprimere studeat. Quam prope autem vera rerum facies, qualis tempora prisca novissimaque lustranti ob oculos versatur, ad imaginem mente conceptam accedat cernere plurimum sane referre debet philosophi, cui finis bonorum in animo est. Quod si mæstus sæpissime revertèrit ille a comparatione instituta, dum res eosdem prorsus non ducat colōres atque imago; contemplatio tamen non poterit non admirationem variosque sensus ipsi movere, cum videbit, quemadmodum hierarchia christiana et quidem romana, quæ animos una maxime convertit, quercus instar proceræ firmæque solo et semine sacro enata radicibusque arte diffusis succum undique trahens adeo in ævum creverit, ut ramis ex ingenti trunco protrusis orbem fere amplexa tempestatibus civilibus

parem se gereret, quin easdem coerceret a).
Verum quem fugiet arborem ad tantum fasti-
gii. prolectam multas plantas generosiores,
quæ ad radicem ipsius virescere auderent,
suffocasse, multis denique tutam sub umbra
pacem conciliasse? —

a) Ut in Græcia olim oracula Pythiaque Delpho-
rum imprimis in rebus gentium moderandis
insigni auctoritate valebant temporum conver-
sionibus ad silentium tandem redactæ, ita
vati Romæ christiano maxima factum. Per
medium ævum, cum res civitatum internæ et
externæ etiamnum fluctuarent, cardine opus
erat, in quo cunctæ res verterentur et quô-
dammodo consisterent. At ubinam tandem
cardo ille potius tenendus quam Romæ anti-
quæ et sacrosanctæ, cui præsidere vicarium
Christi et arbitrum orbis christiani multitu-
dini sensim persvasisset superstitio pruden-
tia artibusque sacerdotum ac rebus secundis
sustentata. Neque non permanebat sancta
reverentia, quæ christiani sedem apostolicam
inspicere consueverant, donec sensus veri et
humanitas eo pervenerant, ut fallax appareretur
et lubricum fundamentum, in quo nimia mo-
les erat locata, ac intelligeretur, quantas jam
attulisset calamitates ac minari pergeret.

At quo stirpi propior, eo densior ramus. Etsi mirabile visu eandem nimirum septentrionis gentes, quarum vultus Romanos terrarum dominos tremefecerat, domino Romæ spiritualibus armis accincto. subinde manus dedisse; minime tamen diffitendum pontifices Romanos neque *temporibus remotissimis* Scandinaviam æque ac plerasque Europæ regiones ad terras obedientiæ referre potuisse, neque *imperio tam potenti et perenni* tenuisse. Argumentis parco prolixioribus, quæ sequens narratio suppediet; verum exempla quædam huc facientia subicere par est. Conferantur itaque duæ epistolæ *b)*, quas ad regem Sueciæ dedit ille idem Gregorius VII, qui Henricum IV imperatorem pedibus proculcabat. Ulterius procedatur ad illud tempus, cum ad fastigium pervenisset imperium papale moderante Innocentio III, pontifice omnium celeberrimo, qui his verbis dignitatem sedis apostolicæ iactavit: "ad firmamentum cæli duo magna luminaria fecit Deus i. e. duas instituit

b) Lagerbring Svea-Rik. Histor. II, p. 60. cfr. Pagii breviar. pont. Roman. II. p. 451.

dignitates; sed illa, quæ præest diebus 3: spiritualibus major est, quæ vero carnalibus minor, ut quanta inter solem et lunam, tanta inter pontificem et regem cognoscatur differentia, c). Legantur contra litteræ ejusdem pontificis ad septentrionem missæ, unde pateat, quæ inter nos potestate valuerit. Hierarchia denique, cum in Europa australi occidere cæpisset, in boreali a vertice propius absuit.

Breviora quidem per se erant brachia parum, quam ut a Capitolio inde ad Heclam et Arcton projicerentur. Quod autem vetus illa Roma per proconsules proprætoresque et legiones erat molita, id postea multo facilius per legatos pontificios et fulmina interdictorum tentatum. Legati sedis apostolicæ quoque gentium emissi voces circumferebant papales eodem consilio eademque vi et ratione, quæ ipse papa. Ii erant ministri, in quorum fidas manus dominus gravia tela securus deponere posset, quæ si in ipsum temerarie intenderent, in corpus suum torquerent. Quod

c). Epist. Innocentii III. ed. Baluz (I, 401) p. 235.

si quis aliter judicaverit, parum teneat necesse, quomodo legati eadem via, qua papæ consultum irent, sua quoque commoda curaverint; neque juste perpenditur, quotusvisque legatus solio Petri, cui sedulam operam præstiterat, occupato ipse de rebus bene gestis uberes fructus perceperit. Exemplum si velis ex ipsis Scandinaviæ rebus, Hadrianum IV, papam magni nominis, nunquam paruisse putes, legatum se Nicolaum Breakspear inprimis præsidio fuisse incunabilis hierarchiæ borealis.

Prudentia et cautio raro defecit istos nuncios, quibus consilia et negotia Romæ erant commissa; id quod valet præsertim de legatis in septentrionem missis, quibus quippe papa difficilior posset præsentis numine opifulari. Sed rarius ornati fuerunt iidem honesto et liberali studio, quo salutem rerum publicarum et ecclesiasticarum prospexissent; potius autem versati, teste Johanne Saresberien- si, ac si ad Thebas in facinus excitandas Megæra ab inferis mitteretur:

Qvo fonte derivata clades

In patriam populumque fluxit.

Non opus est ad exempla aliena recurrere *d)*, cum abundet historia Scandinavica iustis de avaritia legatorum apostolicorum querelis. Crimina legantur in Fidentium, cardinalem et legatum sedis apostolicæ, a Guillelmo, abbate monasterii Ebbelholtensis, conjecta *e)*, ut taceam de Marino de Fregeno *f)* aliisque multis ejusdem notæ legatis.

Legationes apostolicæ in hierarchia constituenda utique ponderis tanti fuerunt, ut accuratior earundem enarratio, quoniam nuncii pro munere sibi delato multifariam cum republica et clero rem haberent, veram hierarchiæ faciem per varia sæcula conspicuam

d) Videatur v. e. epistola Alienoræ, reginæ Angliæ, socordiam convergens, quæ papa ejusdemque legati regno captivitate Richardi turbato subverliebant. Rymeri A&A. public. I. p. 24. (edit. tert. Hagæ Comit. a. 1745) cfr. cavillationes coævi Johan. Saresberiens. Polieratic. de nugis curial. l. v. c. 16. (ed. Lægd. Bat. an. 1595) p. 269.

e) Pontoppidani annal. ecclesiæ Dan. Dipl. I. p. 489. sqq. cfr. Münter Magaz. für Kirchengesch. u. Kirchenrecht Nordens I. p. 34.

f) Wallin Gothländska Samlinger I. 136. sq.

reddat. Unde quidem factum, ut imaginem hierarchiæ qualis sæculo XIII in septemtrione præsertim fuerit, pro virili adumbraturus ad enarranda gesta Guillelmi episcopi Sabini accedere non noluerim. Id quod e re mea tanto potius judicavi, quod Münsterus, celeberrimus rerum ecclesiæ nostræ scriptor, facinora legationesque illius viri digna censuit, quæ diligentius examinarentur g) quodque res disserendæ, uti postea docebitur arctius coherere habitæ sunt cum disquisitione paulo obscuriori de servitute inter Scandīnavos abolita.

Argumentum, quod tractandum sumsi, commodissime in duas abiit sectiones concilio magno Lugdunensi annoque MCCXLV distinctas, quarum altera res a Guillelmo gestas ante concilium supra dictum succinctè exponens, si non aliena minus propria tamen videbitur; altera vero et nobis gravior visa legationes, quas Guillelmus noster post concilium suscepit, diligentius persequetur.

g) Mag. f. Kircheng. Nord. I. p. 107. Ubi exstant etiam primæ lineæ historiæ legationum Guillelmi Sabini.

2.

Singulæ species vitæ humanæ et viventium habitus momentis ante actis fingi solent. Ut herba variis, quibus circumdatur, rebus varia jam læta efflorescit, jam tristis marcescit, moxque his mox illis inducitur formis, ita ingenia quoque varia variis finguntur. Quod si penes nos esset in singulis animadvertere, quomodo habeant ingenia, cur ea potissimum ratione nec aliter, quid eo retenderint nec alio, multa sane in manifesto essent, quæ et in nobis ipsis et in aliis recta miraque viderentur. Qua de causa dolendum certe quod de natalibus M. Guillelmi et educatione et prima juventute tam parum constet, ut ne de patria quidem nec de nomine gentis inter auctores conveniat, quorum alii a) eum e Pedemontana regione, alii b) ex Sabaudia oriundum ferunt.

a) v. c. Rinnus Johanneus: histor. eccles. Island. I. p. 233. Qui quidem auctor, ubi Guillelmi in patria facinora relinquit, sæpe errat.

b) v. c. Ciacconius: gesta pontif. et cardin. (Romæ 1601) p. 368. Ughelli Ital. sacr. II. p. 152. Spondani contin. annal. Baron. I. p. 266.

Cum vero anni juveniles congruant cum eo tempore, quo habente solium Petri Innocentio III, forti hierarchiæ propugnatore, ventum erat ad Hildebrandismum re vera exercendum, non est quod dubitetur, quin Guillelmus munera ecclesiastica obiturus mature adeo placitis fuerit imbutus, quibus spargendis et confirmandis strenuam dehinc daret operam. Ut mos sæculi ferebat, ordini monastico fuit adscriptus, et quidem severæ illi Cartusianorum regulæ, quam lubens, ut videtur, sibi delegit c). Neque tamen amore sui ordinis tam cæcus erat vir prudens, ut quid in aliis institutis monasticis præclarum esset et ecclesiæ rebus utile, sperneret negligeretque. Recentem prædicatorum congregationem cunctis viribus et domi et in legationibus adjuvabat †). Sunt etiam qui narrent

c) Vid. Mabillon: anal. veter. nov. ed. p. 483. cfr. Morotii theatr. chronol. ordin. Cartus. p. 63.

†) Observandum vero Cartusianos, quia ordo suus tanta simplicitate et perfecta castitate judicaretur, ut ceteris monachis mendicantibus etiam liceret eandem *absque dispensatione*

Gregorio IX illum multis svasisse, ut Dominicus; prædicatorum pater et institutor, in numerum Sanctorum ecclesiæ romanæ adscriberetur d).

Guillelmum pro ratione illius ævi doctum habitum esse et, ob singularem multarum rerum peritiam, idoneum, qui majoribus provinciis præficeretur, testantur litteræ paparum commendatoriæ e), atque fidem faciunt studiorum documenta, quæ inter legationes edita sunt. Quod autem imprimis nobis persvadet hominem ingenii dotibus æque insignem fuisse ac copia notitiæ utilissimæ, hoc est, quod a tribus pontificibus, Honorio III, Gregorio

adire, majori æquitate animi novos fratres in primis mendicantes ferre potuisse cfr. histoire du clerge seculier et regulier. Amsterd. 1716. T. II p. 240.

d) Vid. Ciacconii gesta pontif. et card. p. 568 cfr. Allgemein. Hist. Lexicon. Leipz. 1732. sub art. Guillelmi.

e) v. c. epistola Honorii III commendatoria, quæ eum in Livoniam abiturum prosequitur et laudibus effert vid. Gruber origin. Livon. sacræ et civil. cum sylva Document. p. 265. nr. 43.

IX et Innocentio IV, dignis omnino qui præsulī vel illustrissimo succederent, gratiā, fiducia ac honoribus colebatur; papæ quippe id agentes ut *ἐκκλησίᾳ* imperio suo adderentur, ministros caute admodum et acute circumspiciebant. Ab Honorio III Guillelmus amplo munere Vicecancellarii ecclesiæ romanæ anno 1220 ornatus est *f*); cui vero cum usque ad ætatem Clementis V adjuncta esset cura bibliothecæ pontificiæ *g*), negotia viro docto maxime opportuna profecto ei data fuerunt.

Honorius III vicecancellarium suum, cui bene cupiebat, ad ampliorem dignitatis gradum aut largiorem saltem producere studens jura capitulorum tentare non recusavit, quin invitis canonicis Mutinensibus et inscio archiepiscopo Ravennati in episcopatum Muti-

f) Ciacon. gest. pont. p. 546. Vicecancellarium eodem loco habitum esse ac cancellarium, dignitatemque hanc sedis apostolicæ præcipuam fuisse post pontificalem Pagius censet. Breviar. pontif. roman. III p. 238.

g) Glossar. Du Fresn. sub voc. Bibliothecar. eccl. rom/ cfr. Onuphrii Panvinii not. ad Platin. vit. pont. p. 63.

næ dilectum filium a. 1222 ingereret. Hinc semina discordiarum, quæ paucæ non erant Guillelmo, dum episcopatu præerat, cum canonicis Mutinensibus ab archiepiscopo Ravennæ instigatis *h)*, quæque in dubio relinquunt, num major in Guillelmo fuerit justisensus, an obstinatum lucri studium. Quæ lites atque negotia cumulata eo haud dubie remperduxerunt, ut Guillelmus episcopi munere, quo per decennium fere functus plerumque tamen, cum legationes apostolicæ avocarent, per Guibertum vicarum, a. 1233, Gregorio IX pontifice, sponte sese abdicaret.

A sequenti narratione haud erit alienum observare, Fridericum II, imperatorem fortetempque pontificum adversarium, ut initio imperii clerum multis modis sibi conciliare vellet *i)*, ita Guillelmo Mutinensi grata quoque fecisse, cui non solum privilegia scdi Mutinensi a patre concessa confirmaret, verum

h) Ughelli Ital. sacr. II p. 153 sq., ubi exempla rixarum ejusmodi laudantur v. c. de eqvo intrantis episcopi certisque epulis, quæ canonicis dari solebant.

i) Schmidt Gesch. d. Deutschen III p. 3 sqq.

etiam castrum Pontis in detrimentum ecclesie a Mutinensibus et Ferrariensibus destructum reedificare permetteret *k)*.

At ex hisce diverticulis ad legationes Guillelmi exponendas redeundum nobis.

3.

Episcopum Mutinensem itaque a munere suo episcopali ad legationes administrandas nunquam non avocatum ad littora maris balthici primum sequamur *a)*. Trans Vistulam illas, quas lambit Duina, oras incolebant gentes feræ quidem sed usu libertatis gaudentes, donec sacro christianorum furore nondum perdomitæ nec animis fractæ in servitutem iniquam erant redactæ. In quibus ad sacra christiana convertendis, complures jam

k) Ughelli Ital. sacr. l. c.

a) Nos in his pro summa rerum tractandarum brevi tantum versamur; qui fusiores velit narrationem, adeat Gruberum: origin. Livoniz sacræ et civil. Gadebusch Livländisch. Jahrbücher I; I. Arndt Liefländisch. Chronik II. Merkel die Vorzeit. Lieflands & Suhm Historie af Danmark. IX p. 485. 508 sqq. 527 sqq. cfr. Histoire de l'ordre teutonique par un chevalier de l'ordre I p. 82 sqq.

apostoli, Meinhardus, Bertholdus aliique felix studium collocaverant; nullus autem tantum fortitudine tantoque consilio huic rei prospexerat, quanta Albertus, magnus Livoniae episcopus, qui ordinem fratrum militie Christi de Livonia, ensiferi qui dicuntur a. 1202 instituebat *b*). Jam diu equis velisque certabat Albertus, atque pontifices romani feros Livonum Pruthenorumque mores retris coloribus depingentes *c*) mox cohortando, mox veniam peccatorum condicendo multa fidelium millia ad labarum convocabant, utpote in septemtrione Christo mactare bonum opus esset tam dignum laude divina quam impium hæreticorum Saracenorumque sangvinem profundere. Jam dudum papa Cisterciensibus et deinde Dominicanis præceperat, ut in vinea Domini illic plantata operam locarent, (cum Albertus, quò majori vi et auctoritate conversioni incolarum instaret ac pacem et con-

b) Gruber orig. Liv. p. 22. not. c. Merkel die Vorz. Lief. I p. 352.

c) cfr. epistol. Honorii III in accessione ad recensionem bullarii Celsii ed. Porthan p. 9-II et bullarium Celsii Sæo-Goth. p. 67. nr. I.

cordiam revocaret, Romam mittere decerneret, qui legatum sedis apostolicæ sibi posceret.

Quare Honorius III Guillelmum episcopum Mutinensem, cujus, ut ipse scribit *d*), honestatem vitæ, eruditamque sollertiam et plium, quo ad negotia sacra ferebatur, studium dexteritatemque spectatam haberet, cum Mauritio, nuncio Alberti. in Livoniam ire jussit litterisque commendavit et quidem a. 1224 *e*). Omnes, Dani, Teutonici et indigenæ

d) Gruber orig. cum sylva docum. p. 265 nr. 43.

e) Gruber p. 171. not. aa) Arndt Lief. Chron. H p. 7. Sunt omnino, qui legatum ante annum 1225 in Livonia non adfuisse scriptum reliquerint Gadebusch. Livländ. Jahrbücher I, I. p. 184. Snhm. IX p. 485; quorum argumentum præcipuum bullâ nititur, quæ Honorius III Guillelmum legatum commendat (Gruber. 265 nr. 43), "quippe quæ, II calend. Jan. a. 1224 edita, a 1225 et quidem vere hujus anni eundem ad Livoniam primum pervenisse monstret (Suhm. IX p. 508)... Incertus sententiæ tamen hæc ex altera parte monerem: 1) Fieri quidem potuit, ut Guillelmus prius iter ingressus sit, quam epistola papæ ad Livones daretur. Ita nimirum, ut hoc utar, litteræ Innocentii IV, quibus idem legatus Norvegis posthac commendatur,

legatum venientem honorifice læteque exceperunt, quem et judicem vererentur et rerum

diem III. calend. Nov. et id. Nov. a. 1246 adscriptam habent (Raynaldi anal. eccles. (ed. Lucz. 1747) II p. 358), at docet tamen epistola, qua Guillelmus Hugoni Cartusie priori valedicit d. I cal. Dec. a. 1244 (Morotii theatr. chron. ord. Cart. p. 63), iter tum jam esse captum, 2) Decretum deinde d. sexto id. Januar. 1225 (ex registro Osiliensi inter dipl. Langebek. mss. cfr. Suhm IX p. 511) quo Hermannō episcopo Lealensi nomen permittitur episcopi Tarbatensis, Guillelmum antevernum tempus a. 1225 saltem Rigæ adfuisse indicio est. 3) Wallin Gothlând. Samlingar I p. 241 sq. mandatum commemorat Guillelmi de ecclesia S. Jacobi Wisbyensi inter episcopum Rigæ et Lincopiæ controversa pridie nonar. Julii a. 1225 Wisbyæ exaratum. (Vidimus hujus edicti ab archiepiscopo Rigensi et episcopis Osiliæ et Tarbati transcriptum inter acta Wisbyensia v. Wallin l. c. conditum est. Exemplar, quod ipse in diplom. Langebek. mss. pervidi, annum datæ epistolæ adscriptum non habet). Sed multæ transactiones multaque itinera, quæ apud Gruberum legi possunt, abitum legati in Gothlandiam præcedunt tempore; unde colligi posse mihi videtur, Guillelmum jam diu ante ætatem

suarum adiutorem fore sperarent, maxime vero Dani, captivitate Valdemari afflicti, pro

a. 1225 in Livonia versatum fuisse. 4) Auctor chronici veteris Livonici, quod litteris mandavit Gruber, (sive Henricus Lettus sive alius quis, scriptor tamen coævus et fide dignus (v. Gruber præfat. p. 2 sqq.) temporum rationem hanc sequutus esse videtur: *Æstæ a. 1224* Guillelmus legatus Rigam venit multaque deinde itinera in diversas regiones instituit. *Autumnali tempore ejusdem anni* papa vindicat i. le terras, de quibus inter Danos et Teutonicos certabatur. *Ineunte a. 1225* denuo complura itinera ingreditur. *Quadragesima Domini a. 1225* Rigam reversus concilium celebrat Rigense. *Tempore æstatis h. a.* Gothlandiam petit et Osiliensibus bellum inferri jubet. Hæc annalista Livonicus. Quoniam vero exstant decreta Guillelmi *Livonica* a mense Decembr. a. 1225 ad exitum Maji a. 1226 (Gadebusch. I, I. p. 189 not. p. 190 sqq. Suhm IX. p. 530 sqq.) necesse omnino statuatur e Gothlandia eum in Livoniam reducem factum esse. Si authenticum denique nec (ut Gadebusch perhibet Livl. Jahrb. I, I p. 184. not. m) corruptum illud Guillelmi mandatum die Benedicti a. 1226 prædicatoribus Lubecz editum, quod Dreyer (Einleit. zur Kenntniz Lübeckischer Verordnungen. I. p. 229. 2.) laudat,

ea, quæ inter papam et regem suum intercedebat, amicitia †). Guillelmum vero partium suarum minime studiosum habuerunt hi, quos sævos et injustos terrarum gentilium occupatores potius quam sinceros fidei propagatores judicaret ††). At quis etiam neget Albertum Rigæ episcopum et præsulem Teutonicorum virum callidum fuisse!

Guillelmus Mutinensis, cum lites alio modo transigi paxque restitui nequiret, provincias, de quibus inter Danos et Teutonicos disceptatum erat, Viriam, Gerviam, Rotaliam, Harriam et Maritimam, utrisque volentibus nolentibus, abjudicavit et in fidem

merito conjicitur Guillelmum Rigæ Lubecam a. 1226 nave vectum esse; id quod eo fit probabilius, quod tunc temporis jam cum Rigensibus Lubecæ multum erat commercii, quodque Holzete (Holsatia Suhm. IX. p. 485) in bulla Honorii III commendatoria inter provincias Guillelmo legato traditas nominatur.

†) Gruber orig. p. 172 Suhm. IX. p. 509. cfr. p. 527.

††) Cfr. Annalista vet. effatum apud Gruber p. 178.

potestatemque pontificis romani accepit *f*). Nescio sane, an papæ in desideriis fuerit, ut miseros illarum regionum incolas servituti et Danorum et Teutonicorum eripiendos in libertatem civilem vindicaret. Nil quippe legatus incio papa patravit. Litibus itaque secatis potius quam compositis terminisque inter singulas ditiones constitutis vir pontificius Rigam convocavit magnum conventum, ubi decreta concilii Lateranensis quarta promulgavit et additamentis necessariis auxit *g*).

Post multa itinera religionis causa suscepta Guillelmus Gothlandiam petiit, ubi ecclesiam St. Jacobi Wisbyensem a mercatoribus Livonicis quippe conditam episcopo Rigæ cum episcopo Lincopiense contendenti vindicabat *h*). Aliis præterea rebus v. e. decimis,

f) Gruber p. 175 sq. Merkel. d. Vorz. Lief. I. p. 422.

g) Gadebusch. I, I. p. 195.

h) Wallin Gothl. Saml. I. p. 241. sq. Celsii bullar. Sveo-Goth. p. 61. cfr. Spegel Kyrkohist. II. p. 195. Suhm. IX. p. 532 vitiose nominatur ecclesia S. Mariæ pro ecclesia S. Jacobi.

solvendis *i)* rite dispositis, legatus humanitatis christianæ amantissimus adversus incolæ Osiliæ prædabundos, qui oras Scandinaviæ depopulati miseros captivos in servitutem vendidissent, in Gothlandia crucem prædicari iussit *k)*.

Guillelmum tum etiam Erico Blæso, juveni Svecorum regi, litteras tradidisse Honorii III, quibus hic, rege et regno in fidem recepris, iis, qui contra faciant tranquillitatemque Sveciæ perturbent, excommunicationem minatur *l)*, atque legatum super tali causa multa clero præsertim restituisse *Dalén* opinatur *l)*. In confesso est utique Sveciæ tunc temporis, si unquam, auctoritatem, quæ regis vires labantes reficerentur, externam opus fuisse et hierarchiam in ea regione adhuc cum republica certasse de juribus, quæ sensim sibi arrogare vellent ecclesiastici et hierarcha ro-

i) Vid. accession, ad bullar. Celsii p. 21 sq.

k) Gruber orig. p. 178.

l) Celsii bullar. p. 61 nr. 23.

l) Geschichte Schwedens (vert. Benzeltjerne et Dähnert) II. p. 150. cfr. Münter Mag. I. p. 186.

manus, e. c. de jure episcopos eligendi et electione juxta decretum pontificium instituenda; de censu auctore Nicolao Breaksphear *m*) sedi apostolicæ pendendo; de jurisdictione ecclesiastica; de bonis ecclesiarum vacantium, quæ rex deprædaret et quovis modo minuere auderet *n*). Quibus de causis Honorius III regem jam monuerat: "ne contrase iram provocaret ejus, qui regna transfert, spiritusque aufert regum. At tamen opinio, quam habet Dalin, non solum argumentis certis firmatur, sed ne verisimilitudinem quidem præ se fert, siquidem ex epistola commendatoria, quæ Guillelmum abeuntem papa ornâvit, plane intelligitur provincias discrete nominatas, Livoniam scilicet, Holzetem, Esthoniâ, Semigaliâ, Samblandiâ, Curoniâ, Viriâ, Gothlandiâ nec non Burgundomlinâ legato impertitas fuisse nec adeo Scandinaviâ integram *o*). Guillelmus a. 1226 in Livoniâ reversus multis decretis porro curavit, ut turbæ rei christianæ perniciosæ in posterum

m) Cfr. Spittler von der ehemalig. Zinsbarkeit der nord. Reich. an d. römisch. Stuhl p. 51 & 58.

n) Bullar. Celsii p. 57-62.

o) Gruber orig. cum sylva doc. p. 265. nr. 43.

avertentur p). Sed non tantum de rebus externis ecclesiæ regundis optime fuit meritis, verum etiam de incrementis salutis ejusdem internæ adferendis. Sunt certe, quibus mirari succurrat, quod gentibus maris balticū accolentibus, quarum linguæ æque esset ignarus ac feritis morum impatiens, docendo et in conventibus sacris verba faciendo divinas res tradere piaque easundem studia acuire potuerit q). At non est, quod mirum videatur, Aibericus si consulatur. Qui nobis auctor est r) Guillelmum vi et fortitudine parum profecisse, sed ingenii viribus et cautione apte adhibitis gentiles sibi conciliasse eumque religionis tradendæ causa linguam Pruthenorum didicisse, quin Donatu n, principem artis grammaticæ, rudi et barbaro eorundem sermone reddidisse. Præ aliis evangelii apud

p) Vid. Suhm et Gadebusch l. c. Guillelmus inter alia decrevit, quomodo terræ posthac occupandæ inter ensiferos et episcopum Rigæque cives distribuendæ essent v. bull. confirm. Greg. IX. d. a. 1228 in bullar. Celsii p. 61.

q) v. c. Merkel die Vorz. Lief. I. p. 423.

r) Chronic. trium fontium ed. Leibnit. p. 527.

gentes exteras præconibus, qui ferro quam verbi gladio uri maluerunt, Guillelmus noster in eo certe laudandus, quod erga neophytos maximam et ipse exercebat clementiam, aliisque commendabat. Qui cum miseros illos animi servitutis liberandos mancipia veri nominis fieri pati noller, sævos ensiferos admonuit, ne decimas cæteraque vectigalia exigentes in homines libertate privatos crudelius consulerent^{s)}. Neque absens religioni spargendæ defuit, quin coloniam ordinis prædicatorum, quibus tum jam abundabat Dania^{t)}, Revaliam mittendam impetraret a Valdemaro II. u). Profectus religionis christianæ in illis regionibus prædicatoribus omnino magnopere debentur^{v)}.

s) Gruber orig. p. 174.

t) Pontopp. ann. eccl. I. p. 635 et 642, cfr. histor. ord. prædic. Langebek Script. rer. Dan. V. p. 501.

u) Messenii Scand. illustr. II. p. 29. Pontopp. ann. I. p. 642. Quam ad operam sibi præstandam Dominicanos eo promtiores haberet necesse, etiam a Gregorio IX commonerentur, ut ethnicis illius terræ convertendis adessent. Raynaldi annal. eccles. (Lucæ 1747) II. p. 29.

v) Suhm. IX. p. 664.

4.

Quoniam spatio inter an. 1226 & 1234 vitæ et legationum Guillelmi Mur. interjecto nox offusa est, veritatem conjecturarum vitæ quærere oportet. Annales Livonici post a. 1226 de ipso adeo silent, ut ex illis partibus discessisse putetur; id quod aliunde certius evadit. Dani nimirum Valdemaro captivo per ensiferos nunquam non in angustias compulsi lividisque insuper et invitis oculis adspicere coacti, quantum isti danici nominis inimici arma et imperium in dies proferrent, potestatem sibi imminentem inhibere conati sunt, idque arte, quæ monstrat, quæ vi et auctoritate duceretur mandatum pontificis oræ legati apostolici editum. A. 1227 in Livonia legatus apparuit, pontificius qui putabatur, nomine papæ interdicens, ne paganos, nisi in terras christianorum incursiones facerent, Albertus ac Volquinus, magister fratrum militiæ Christi de Livonia, posthac infestarent. Tale vero jussum cohortationibus et promissis papalibus tam contrarium non potuit non obstupefacere moxque ejecto primo terrore apertum est legatum falsum esse a Danis male

sti certatum esset, quæque a Guillelmo Mutinensi nomine ecclesiæ romanæ essent receptæ, Balduino administrandas traderent. At qui probus ille vir negotia, quæ ipsi facessabant ensiferi, peræsus a. 1234 honores suos eorum papa deposuit adversarios suos Livonios graviter simul accusans, quod indigenas inique vexatos a Christo abalienarent g). Quibus ut malis occurreret, Guillelmus in locum Balduini suffectus iterum in Livoniam profectus est h).

Quæritur itaque, ubi Guillelmus noster per hæc temporis intervallum commoratus fuerit, quæque partes facinora legati infessi referant? Neque Mutinæ, ubi Guibertus vices ageret episcopi absentis i); tum verisubatur; neque mihi videtur verisimile eum a. 1229 Sveciam petiisse †). Constat quidem Gregorium IX enixa cura id egisse, ut, quo

g) Merkel. II. p. 28. Intelligitur e mandatis, quæ post Guillelmo papa dabat (Suhm IX. p. 664 sq.) Balduinum Romæ nil celasse.

h) Gruber orig. cum sylva d. p. 183. not. g.

i) Ughelli Ital. sacr. II. p. 153.

†) Langebek Scr. R. D. V. 501.

niam expeditio sacra a Friderico II promissa male cederet, et imperator pontifici molestior esset, alios principes, inter quos Sveciæ rex, ad societatem sibi vocaret. Quocirca papa ex exilio Perusiæ, quo per Romanos auctore Friderico seditiosos *k)* pulsus erat, an. 1228 ad regem Sveciæ litteras misit scriptoremque suum, Simonem, qui subsidia suppetiasque adversus Fridericum refractarium conquiret *l)*. Litteræ et nuncius in incerto relinquunt, quid tam brevi post in partibus Sveciæ Guillelmus sibi vellet legatus, ejus nomen præterea in annalibus illius regni, si res in Gothlandia gestas exceperimus, ad a. 1247 usque obscurum manet.

Plerique scriptorum Danicorum, apud quos de Guillelmo Mutinensi fit mentio, legatum a. 1229 inter Danos versatum esse ferunt *m)*. Cui tamen opinioni hæc maxime

k) Moser Geschichte. d. Nunciat. I. p. 181.

l) Bullar. Celsii p. 62. Vastovii vitis aqvil. p. 175. cfr. Dalin II. p. 153.

m) Hvitfeld Kron. II. p. 197. Pontan. hist. rer. Dan. I. VI p. 316. Pontopp. ann. eccl. Dan. I p. 642. Münter Mag. I p. 92.

obstare judico: 1. Hvitfeldius et secundum illum ceteri rem, quam narrant, didicisse videntur ex ea historia ordinis prædicatorum, quæ in Script. R. D. V p. 501 reperitur, ubi quidem, nescio quo jure, Guillelmus appellatur legatus sedis apostolicæ in partibus Daciæ et Sveciæ, verum præsto fuisse non dicitur. Sed in cæteris chronicis, catalogis regum et chronologiis, quotquot in Script. R. D. exstant, hic Guillelmi adventus in Daniam ne tangitur quidem, licet cæterum auctores isti diligenter admodum memoriæ prædiderint, quinam legati sedis apostolicæ illa ætate Daniam intrarent. 2. Gravissimum tamen argumentum, cur ab Hvitfeldio dissentiam, inde peto, quod nullus video, quo consilio sive mandato publico Guillelmus legati munere instructus in Daniam contendere jussus fuerit. Adductus auctoritate Alberici, qui ad annum 1241 mortem Valdemari victoriosi memoratis obitir tantum monet dignitatem imperii romani *quondam* Abeli, regis filio fuisse oblatam n), Münsterus l. c. conjicit Guillelmum ea, de

n) Chron. trium fontium ed. Leibn. p. 577.

qua ambigitur, legatione ornatum in mandatis habuisse, ut Abelem ducem contra Fridericum imperatorem erigeret. Artes curiæ romanæ hoc sæculo, in eo præsertim verti perspicuum est, ut gens Hohenstauffica, nominatim Fridericus II iste, gloriæ quippe sedis apostolicæ nimis officiens, derubaretur, siquidem tum evenisset, quod Innocentius III meruerat: "ne rex Siciliæ opulentæ imperio Germanorum auctus Romæ immineret." o). Fridericus II ad præclara incepta factus natusque, sed genio sinistro ita dejectus, ut consilia lætissima quæque in irritum reciderent, solum imperii, unde non solum Germaniam sed Italiam quoque regeret, Romæ collocatum maluit quam sellam Petri. At omnem cogitationem fere omnesque curas in Italia defigens res Germanicas plus justo forsitan neglexit, quo factum tandem, ut papa, nimia turbas concitandi potestate in Germania sibi facta, perniciem in hac terra ipsi pararet. Ab anno 1228 ad a. 1230 Gregorius IX Ottone cardifamoso ministro utebatur, per quem adversus

o) Epist. 64. p. 718/

Fridericum, in expeditionem sacram profectum quamvis, tela Europæ Germaniæque in primis torquerentur *p*). Ottōni negotium datum fuisse, ut Danos quoque in imperatorem lacesseret, Godefridus Coloniensis nos facit certiores *q*). Quæ cum ita sint, et Ottō, legatus sed. ap., vere in Daniam venerit, ad illum potius quam ad Guillelmum Mutinensem Alberici narrationem supra laudatam referendam esse putaverim. Si quid præterea ex serie rerum narratarum statuere fas est, Albericus imperium Abeli oblatum ducit vel paulo ante vel eodem fere tempore (scilicet a. 1228), quo repudiaretur eadem conditio ab *Ostōne* *rard.* etiam duci Luneburgensi *latar*). Unde opinioni nostræ major forsā accedit fides.

Videndum igitur nonne conjecturâ saltem assequi liceat, ubi per quosdam annorum, de quibus disceptatur, Guillelmus egerit. Equidem Alberico si fides habenda *r*), existimaverim episcopum Mutinensem e Livonia

p) Moser Gesch. d. Nunc. I. p. 184 sq.

q) Freheri Script. R. Germ. I p. 296.

r) Ann. Godefred. Colon. l. c.

s) Chron. ad an. 1228 p. 527.

sive potius Lubecā^{z)} Borussiam petivisse incolas christiana institutione confirmaturum. Samblandia, quæ pars Borussiae orientalis dicta est, inter provincias Guillelmo legato tradita; in bulla Honorii III d. a. 1224 ^{u)} omnino commemoratur. Huc accedit, quod Godefridus Coloniensis scriptum reliquit card. Ottone^m d. 1228 sacris interdixisse civibus Aquisgrani, quod factio imperatoris hac in urbe vinculis retinisset episcopum Mutinensem e Borussia reditum multâque pecuniâ spoliasset ^{v)}. Quod si vel suspicari licet negotia

^{z)} Vid. supra p. 19 sub finem not. e): Num Guillelmus Lubecam e Livonia sese receperit, ut Teutonicos in expeditionem sacram Livonicam ituros colligeret cfr. Sähm. IX p. 533, et Lubecā mox in Borussiam redierit? Nonne narrationes de Guillelmo a. 1226 Lubecā commorato et eodem a. 1229 in partibus Daciae legato ab auctoribus confusæ sint? Quæstiones sunt, quasolvere non sustineam.

^{u)} Gruber orig. cum sylva doc. p. 265 nr. 43. cfr. mappa geogr. annexa hist. ord. teut. sæpius citatæ.

^{v)} Freheri Script. R. G. I p. 296. Auctor annal. Mutinens. (Muratorii Script. R. Ital. XI p.

imperatorī damnosa in causis vinculōrum fuisse x); non constat tamen cum mādatis ejusmodi papalibus in Daniam ipsi perventum fuisse, multo vero probabilius est Ottonem partes amici captivi suscepisse atque Daniam petiisse.

Cum lites inter papas et Fridēricum II gestæ, in idea hierarchiæ illius ævi repræsentanda, cardo rerum merito habeantur, Guilelmum nostrum h. l. paulisper relinquare non nolimus anqvirentes, qvales in re tam anticipi se gesserint Dani. Fridēricus II, qvia invitus videbar, qvantopere Dani terris in detrimentum imperii Germanici expugnatis crescerent nec imperatori se dicto audientes profiterentur, tristē Valdēmari II captivitatem lætus accepit. Qvi, licet plures sese interponerent, tantum tamen abfuit, ut regem, nisi ditione occupata cederet †), liberari jube-

59) ad a. 1227: "Grave, ait, cum Guilelmo episcopo hoc anno peccatum celebratum est..

x) Cfr. Dacherii spicileg. IX. p. 659.

†) Cfr. Hist. de l'ordre teuton. I. p. 153 de Hermannō de Salza horum negotiorum particip. Mallet hist. de Danm. (ed. 1783) III. p. 456.

ret, ut captivum potius in suam potestatem redigere conatus ea de re a. 1224 ad episcopum Hildesheimensem scriberet monitumque vellet y). Perinde integræ imperii salutis Fredericus postea consuluit Lubecensibus a Danis deficientibus a. 1226 opem ferens z). Quem inimicorum antesignanum et principem Valdemarus injuriæ, quam putabat, impatiens non potuit non indigne ferre.

Papa autem opulentum et fortem Daniæ regem suis partibus adungere studens dissensiones has in rem suam convertere non dedignatus est. In epistola ad archiepiscopum Coloniensem data singulares afferuntur causæ, cur pontifex Danis et eorundem regi tam bene cuperet: quod scilicet regnum non modo sedi

y) His verbis inter alia: "iste rex, uti tu ipse nosti, multa de bonis imperii occupavit ad nos et imperium respectum, quem debuit, non habendo, unde cum ad recuperationem totis viribus et affectibus anhelemus, &c. vid. Origin. Guelph. IV. p. 100.

z) Petri Olai excerpt. ex hist. dan. Script. R. D. II. p. 259 cfr. Suhm. IX. p. 521 sq.

apostolicæ esset censuale aa), sed Valde-
marus etiã, rex fide spectata erga papam,
clam pollicitus esset se unacum filio in terram
sanctam cum exercitu profecturum esse bb).
Quid mirum itaqve regem vinculis tandem li-
beratum juramento hostibus præstito papam
sponte sua solvisse, quo justiorem sumeret
vindictam de adversariis et negotia simul fa-
cesseret Friderico et sibi et papæ molesto cc)!
Clades gravissima, quam Dani apud Bornho-
vet accipiebant, lætissimam spem regis plane
fefellit, atqve antiquus rerum status et iræ
imperatorem inter et Danum permansere.

aa) Quo modo vero hoc sit intelligendum videat-
ur Spittler von der ehemal. Zinsbark. der nord-
Reich. an den röm. Stuhl p. 18 sq.

bb) Gruber orig. Liv. p. 263 nr. 40 cfr. Hugo-
nis monum. antiq. sacræ p. 472. Godefredi
annal. in Freheri Script. R. G. I. p. 293 Ho-
noriùs III. quippe dolores molestiasque, quas
Damiata ab infidelibus recuperata et cuncta-
tio Friderici sibi creaverat, concoquere non
poterat (Schmidt Gesch. der Deutsch. III. p.
II. sqq.) et aliunde subsidia circumspicere ex-
pit. cfr. bullar. Celsii p. 59.

c) Hvítfeld. II. p. 193. Pontoppid. annal. eccl.
Dän. I. p. 641.

Itaque papa haudquaquam temere, nisi forte vires ad donum arripiendum decrant, Abelen sceptro Friderici donare voluisse fertur. Caterum est sane, quod dolcamus hæc paparum artificia ob negligentiam chronographorum pagum esse illustrata.

Gregorium IX, quoniam esset periculum, ne fines quosque excederet potentia Friderici vix ferenda a. 1241 in conciliis Budevisii et Libussæ habitis filio regis Cimbrorum imperium obtulisse Aventinus tradit *dd*). Cui rei fidem facit narratio Alberti Stadensis, qui nos reddit certiores pontificem, cum a. 1239 imperatorem anathemate perculsurus esset, nusquam ministris promptioribus usum esse quam in Gallia et Dania *ee*). At Valdemarus senio confectus et cautione adductus filium dehortatus est *ff*). Nescio an idem illud factum

dd) Histor. Bojor. VII. c. 4. nr. 19. c. 5. nr. 7 & 20.

ee) Chron. p. 213 ad annum 1240; cfr. Mss. Bartholiniana. Matthæi Paris. hist. maj. (edit. Paris.) p. 335.

ff) Pontan. h. r. D. VI. p. 328. Utrum filius regis Cimbrorum, quem memorat Aventinus l. c. Abel an Ericus putandus sit, dispu-

respexerit Messenius pontificem concilio Lugdunensi a. 1245 imperium Friderici ad Ericum, regem Daniæ, deferre voluisse dicens *gg*): Utcunque res est, supiscandum utique Innocentium IV cum aliis causis impulsum tum amicitia, quam Ericus, dum uterque Parisiis studia colebant, cum Sinibaldo Genuensi contraxerat, coronam cæsaream Friderico demtam tamque multis frustra oblaram principi Danorum, si ipse pro nunciis Jacobo Erlandi et mag. Petro *hh*) Lugduni apparuisset, impositurum fuisse *ii*).

5.

Gregorius IX, cum Balduinus de Albia, ut supra dictum, coram ipso papa fratres militiæ Christi de Livonia gravissime detulisset

tant docti. Suhmius (Hist. X. p. 49) Abelerum dictum censet; Grammius autem (not. ad Meursium ed. Florent. 1746 p. 406 not. a.) primum Erico deinde Abeli imperium oblatum judicat.

gg) Sccond. illustr. II. p. 33 XV. p. 36.

hh) Pontopp. ann. I. p. 659.

ii) Pontani VI, p. 328 cfr. Hartknoch ad Petri Dusburg. chron. c. 36 p. 130.

turbatumque rerum statim denunciasset, legatum, qui malo crudo medereretur, protenus eodem mittere necessarium duxit. Guillelmo igitur, qui res ejusdem provinciae optime quondam gessisset, huius muneris quis magis idoneus? Epistolâ (d. Laterani IX. cal. Mart. a. 1234) pontificiâ Guillelmus commendatur, utpote qui religionis propagandæ causa episcopatu Mutinensi cessisset a), promptus paratusque ad quævis pericula Christi causâ subeunda quin ad sanguinem profundendum. Maxima auctoritas ei concessa est in ampla provincia, ad quam a Balduino ipsi relictam Borussia etiam accesserat. Episcopatus enim conjungere atque dividere, episcopos consecrare et jam consecratos ad alias ecclesias transferre legato erat permissum b). Legationem vero, ut nobis propositum, ita percurramus, ut præci-

a) Ughelli Ital. sacr. II. p. 154. Post modum quoque Guillelmus vocatur episcopus quondam Mutinensis.

b) Gruber orig. Liv. p. 183 p. 270 nr. 50 cfr. Raynaldi annal. (ed. Lucae 1747) II. p. 113. Suhm. Hist. IX. p. 641 sq. e. a., ubi plura Guillelmi gesta exponuntur.

puis factis, iis maxime, quæ cum rebus septentrionalibus cohæreant, immoremur.

Fratres militiæ Christi de Livonia castrum Revaliæ et provincias, quas captivitatē miseram Valdemari II calamitatesque Danorum in rem suam convertentes occupaverant, nomine ecclesiæ Romanæ licet acceptas sub sua potestate retinere studuerunt. Gregorius IX, cujus pro præsentī rerum statu magni interesset Valdemaro de violentia ensiferorum juste querenti auscultare c), Guillelmo a. 1236 mandavit, ut possessiones reposeret ecclesiæ in tutelam fratrum receptas, Danosque restitueret, quas permissu Innocentii III et Honorii III hic jure cepisset; pacem cæterum et amicitiam utrimque componeret d). Andreas, archiepiscopus Lundensis, qui Valdemaro Esthoniā sub suā et ecclesiæ romanæ potestatem redacturo strenue ministraverat, annuente Innocentio III e) tres

c) Messenii Scand. illustr. II. p. 30 et seqq.

d) Access. ad recens. bullar. Celsii p. 32. Subm. IX, p. 676 sq.

e) Access. ad. rec. bul. Cels. p. 2 nr. 3 ad a. 1205. Lealensis episcopus mutata sede Tar-

creaverat episcopos, Lealensem nempe, Revaliensem et Vironiensem, qui quidem primatui Lundensi continuo suberant *f*). Sed ensiferi motibus ex adversa fortuna Valdemari ortis usi episcopis ejectis bona ecclesiae læserant *g*). Qya de re cum archiepiscopus Lundensis indignabundus coram papa qvestus esset, Guillelmus episcopatus cum pleno jure nominato præsuli restituere jussus est *h*).

Guillelmus præterea in vinea Domini pro more illius ævi impigre laboravit. Qui, cum Gregorius IX a. 1236 ipsi mandavisset, ut vicinos ad gentiles jugo Christi submittendos provocaret militibusque sacris easdem imper-

batensis (Dorpatensis) postea nominatur Suhm IX. p. 511.

f) Pontani hist. r. D. VI. p. 307 & 318. Verum Arndt (Lief. Chron. II. p. 37 not.) monet Pontanum l. c. dioecesi Lundensem latius extendere. Rigæ cæteræque coloniae Livonica archiepiscopo Bremensi parebant inde, ut puto, pvid primitus a Bremensibus, Lubecensibus aliisque conditæ erant. cfr. Schmidt Gesch. d. D. III. p. 508.

g) Hvitfeld II. p. 190.

h) Raynaldi annal. II. p. 156. Access. ad rec. bull. C. p. 31 nr. 29 ad a. 1236.

rirer indulgentias ac Hierosolyma petentibus i), contra Lithuanos expeditionem sacram adornavit; in qua cum Volquinus, dux ensiferorum fortissimus, cecidisset k), omnia caede suorum strata sunt. Quocirca pontifex ipse de rebus Livonicis sollicitus esse cepit l). Strages Volquini, infelix belli exitus minæque Valdemari fratres militiæ Christi adeo habebant anxios, ut ad maturitatem perveniret consilium jam pridem agitatum m) de uniōne cum ordine teutonico (fratribus hospitalibus S. Mariæ teutonicorum de Hierusalem), cujus præceptor tum erat celeberrimus ille Hermannus de Salza. Quæ pactio a. 1237 inter utrumque ordinem convenit n). Hermannus Bal-

i) Raynald. I. c.

k) Merkel die Vorz. Lief. II. p. 31 cfr. Gruber orig. cum sylva Doc. p. 272. nr. 52.

l) Raynaldi annal. II. p. 157.

m) Messenii Scand. illustr. II. p. 30. X. p. 8. Merkel. II. p. 51.

n) Gruber orig. p. 274 nr. 54 cfr. Suhm. IX. p. 675. Histoire de l'ordre teutonique I. p. 289-95.

ke magister provincialis de Livonia in locum Volqvini interemti subrogatus est o).

Cum ensiferi vires auctis rennensi jactarent, rexque Danorum ludibrio sese haberi non passus ad Orthungas magnam cum exercitu classem contraxisset in Esthoniā, ut videbatur, profecturus p), res sic in maximum discrimen adducta est, ut pontifici cum cura videndum esset, ne res christiana in illis oris recens adhuc detrimenta caperet. Singulari epistola ergo Guillelmo, *pœnitentiario* q) et legato sedis apostolicæ negotium datum est, ut lites inter regem Daniæ et hospitalarios Livoniæ componere conaretur r), Guillelmus id

e) Raynald. annal II. p. 177. Dalin. Gesch. Schwed. II. p. 143.

p) Suhm IX. p. 682. Ensiferi deditionem Reveliæ et terrarum, quæ jubente papa Danis restituendæ erant, semper recusarunt aut saltem procrastinarunt; vid. hist. de l'ordre teut. p. 294, quam indigne tulerint papam Reveliam Danis restituendam promisisse.

q) Quæ dignitas episcopum quondam Mutinensem docet ab honoribus Cardinalatus prope abesse cfr. Glossar. du Fresne.

r) Bullar. Celsii p. 66. Magnopere sane mirandum, quæ Celsius l. c. pro: *Carinum*, ut ipse

agens, ut litigantes in gratiam et amicitiam redirent, cum Hermannō Balke s) ad regem proficisci i) tituit. Quo factō in oppidulo, Steensbye quod dicitur t), intercedente Guiljelmo pax inter utramque partem convenit. Transactionibus præter legatum, regem et magistrum, intererant Ericus, Abel et Christophorus, filii Valdemari, Uffo archiepiscopus Lundensis, Nicolaus ep. Roeskildensis, Petrus Arhusiensis, Johannes Burglamensis et prædicatorum ac minoritarum plures multique Teutonicorum et Danorum nobilissimi. Quibus præsentibus constitutum est: ut Valdemaro secundum decreta pontificia Revalia unacum munitionibus salvis et integris, et

habet, lectionem, *Canutum*, constituere velit. Canutus rex a. 1202 jam obierat; et stellulæ in Vastovii vit. aqvil. p. 175 voci annexæ significant nomen regis prætermissum esse, et bulla, qualis in Raynaldi ann. II. p. 177 habetur, *Carissimum* legi jubet.

s) Pontan. h. r. D. p. 318 cfr. Arndt. Lief. Chron. II. p. 40. Münterus (Magaz. I. p. 97) Hermannum de Salza minus recte intelligit.

t) Prope ab Orthungis, ubi castra regis. Suhm IX. p. 682.

Vironia, Harria et Gervia concederentur nec
 non duæ partes terrarum, quæ postea com-
 munitibus expensis sumptibusque regis et hospi-
 talariorum paganis forent eripiendæ. Spo-
 ponderunt etiam hospitalarii regi se in terris
 retinendis auxilio fore, dummodo in Christi-
 anos materiali gladio (quod absque jussu pon-
 tificis romani fieri nefas) sibi non esset pug-
 nandum. Rex item promisit se nunquam
 provincias hospitalariorum neque Osiliam ne-
 que Maritimam infestaturum esse, "utque
 ipse et sudessores in orationibus fratrum tan-
 to propensius habeantur commendati, ob sa-
 lutem animæ suæ," equitibus Gerviam donavit
 cum omni jure possidendam, ea tamen lege,
 ut sine consensu regis nullæ manitiones ibi-
 dem struerentur. Archiepiscopus Lundens-
 sis, pacem firmam adjuturus, svadente Guil-
 lelmo et assentiente capitulo Lundensi, spiri-
 tualia Vironiæ, qvalia ab episcopis Esthoniæ
 hucusque haberentur, hospitalariis permisit,
 quin etiam iisdem condonavit, quicquid de
 decimis sive aliis rebus ad jura episcopalia
 pertinentibus in terris controversis sibi arro-

gassent *u*). Messenius Fridericum II in rebus hisce componendis sequestrum egisse existimat *v*). Nescio quid in re incerte, cum desint testes idonei, statuendum. Sed opinio vero absimilis adeo mihi non videtur, siquidem Valdemaro Victorioso provinciæ expugnatae olim per imperatorem confirmatae inveniuntur *x*), et Fridericus in Livonia magnam auctoritatem habebat *y*). Deditio Revaliæ non ita multo post insequuta est per Johannem Burglamensem episcopum cum Herman-

u) Conventi vidimus in litteris Erici Menved d. a. 1314 exstat in bullario Arna-Magn. ed. Thörkel. I. p. 300 sqq. cum bulla confirmatoria Innocentii IV. d. a. 1243. Omnia vero negotia hæc apud Hvitsfeld. p. 201 Pontan. p. 318 sq. Arndt. II. p. 40. Münter Mag. I. p. 96 sq. Suhm IX. p. 682 sqq. e. a. memoriæ tradita sunt. Rhythmi de transactione Stensbyensi, qui in symbolis ad litteratur. teutonic. ed. Suhm. Havniæ 1787 p. 439 sqq. habentur, parum lucis rebus affundunt. Cfr. Hist. de l'ordre teut. I. p. 299 sq.

v) Scand. illustr. X. p. 8.

x) Pontopp. annal. I. p. 626 sq.

y) Merkel die Vorz. Lief. II. p. 28. Hist. de l'ordre teut. I. p. 297.

no Balke, quem in Daniam comitatus erat, iterum in Esthoniā profectum 2).

Itaque ope Guillelmi in annalibus Daniæ magno nomine celebrandi res demum pacatæ sunt sublataque pericula, quæ non solum dominio Valdemari in hisce regionibus verum etiam tenero germine religionis christianæ maxime imminebant. Unde autem Guillelmo tanta auctoritas nisi Româ profecta? Quanto jure illa pericula metuenda essent, postea docebitur, quando ad legationem Guillelmi Polonicam, quam a. 1242 adiit, nobis ventum fuerit. Anticipanda vero nonnulla, quæ temporum ratio præmittenda exigit.

Licet Polônia jam dudum sacra christiana esset amplexa, res ecclesiæ tamén modo pontifici exoptatissimo minime constitutæ erant. Ab exteris gentibus æque agitata terra ac per principes turbulentos se invicem infestantes lacerata, clerici sæpissime male habe-

2) Poutopp. ann. I. p. 599. Pactis Stensbyensibus eo usque satisfactum reperimus, ut Danicum ordine teutonico junctis armis Ruthenos aggredierentur Pontan. VI. p. 319 cfr. Suhm X. p. 28 sq.

bat de injuriis molestiisque nunquam non conqvestus. Episcopus Gnesnensis inprimis ratus est habere se, cujus jūste argueret Henricum, potentem Silesiæ ducem, qui cum Conrado, duce Masoviæ, et Boleslao Poloniæ contendens nimiam sibi in rebus patriis auctoritatem arrogasset *aa*). Qua de causa Gregorius IX a. 1236 jam ante negotia cum Danis transacta Guillelmum commonuisset, ut in principes violentos et ecclesiasticis infestos inquireret eosdemque notaret ac cohiberet *bb*). Nec dubium, quin pacta, quibus Henricus, Silesiæ dux, Boleslaus et Conradus a. 1237 inter se reconciliabantur, Guillelmo intervenienti præsertim deberentur. Legatum nempe in Polonia ipsum adfuisse, inde pater, quod eodem anno cum Martino Sandomiriano, Dominicano, ad Ludovicum Galliæ regem se contulit, unde Constantinopoli in angustias compulsæ auxilia impetraret *cc*). Cum nimi-

aa) Dlugoss. s. Longini hist. Polon. I. p. 656 sqq.

bb) Raynaldi annal. II. p. 157 et 202. Guillelmus a. 1235 jam iter paravisse videtur e Livonia ad alias partes vid. Suhm. IX. p. 654.

cc) Dlugoss. hist. Polon. I. p. 659. C.

rum, defuncto Johanne de Brienne, fortissimo urbis propugnatore, imperium latinum, quod dicitur, a Vatace, imperatore græco, et Asano, rege Bulgarorum, premeretur, juvenis Balduinus Europam peragravit rebus labantibus fulcra emendicaturus. Galli vero misericordiam soli victi sunt *dd*).

Restat ut hoc loco, antequam Guillelmum de Livonia abeuntem mittamus, mentio fiat rei, quæ ad gesta illius viri examinanda præsertim adductus fuerim. In fatis servitutis septemtrionalis disquirendis, cum quondam versarer, incidi in locum quendam apud Stiernhoek *ee*), ubi Guillelmus abolitionem servitutis in Svecia ursisse fertur. Quæ de causa cum dubius hærerem, quo Stiernhoek usus sit auctore, tandem jure eundem arguere posse mihi videor, quod facta diversa commiscuerit aut analogismo saltem in Sveciam transtulerit, quod de Livonia aliisque terris transmarinis proprie valeret. Quantâ

dd) Histoire du bas-empire par le Beau XXI. p. 349 sqq. ad annum 1237.

ee) De jure Sveonum et Gothorum p. 227.

irā Guillelmus in Ositanos, qui christianos crudeliter abreptos in servitutem compellerent, quondam animadvertisset, supra jam commemoratum ff). Magis e re nostra hæc Pontifex romanus gentiles Livoniæ, Esthoniæ &c. recens conversos servituti præconum evangelii nimis severæ subesse tam indigne tulit, ut non solum Balduinus, episcopus Semigalliæ, cum sedes vacaret episcopi Rigensis, miseras hostium devictorum catervas in libertatem vindicare posset, verum etiam pontifex episcopo Rigæ graviter comminaretur, quod instigante generis humani inimico et spreta prohibitione sedis apostolicæ atque Ottonis legati plantationem novellam a servitute diaboli liberatam suæ servituti subiecisset gg). Propius vero attinet, quod Raynaldus ex epistolis apostolicis refert: "fidei proferendæ, ait, cupidissimus pontifex Guillelmum episcopum olim Mutinensem sedis apostolicæ legatum dare operam, jussit, ut servi, qui sacro baptismatis ritu abluerentur, liberalius

ff) Hujus comment. p. 21.

gg) Cfr. access. ad rec. bull. Cælii p. 25 sq. nr. 12 sqq.

tantæ acceptæ dignitatis intuitu tractarentur: nonnihil oneris servilis remitteretur, divinisque interesse facultas daretur. Qvin etiam, pridie ejus diei monuerat, ne liberos hominesque, qui numero christianorum se aggregarent, ab hospitalariis S. Mariæ teutonicorum aliisve sub jugum servitutis redigi pateretur, *hh*). Ulteriori harum rerum explicatione omissa, id tantum mihi volo, quod, si certum non, facile tamen sit ad credendum, Stiernhoek gestis ejusmodi persvasum rebus Scandinavicis aliena miscere non recusasse, abrogatio servitutis quippe in septentrione nimis in obscuro esset.

Utcunqve res est, lætiôr nobis arridet hierarchiæ forma, quæ effrenas fortiorum cupiditates feritatemque coercuerit; afflictos sublevaverit, humanitatemque solo christiano propriam et quasi vernaculam almâ foverit curâ.

hh) Annal. eccl. (ed. Luca 1747) II. p. 204 ad a. 1238 cfr. p. 245. Gruber orig. Liv. cum sylva doc. p. 273. Cod. dipl. Pol. V. p. 24.

6.

Guillelmus mox post conventum, quod pactus erat, Daniam reliquisse videtur, cum amplius nil esset, quod legatum præsentem postularet a). Idem, cum res turbatas Livoniæ temperasset et periculo propter ambigua principum consilia sacris imminenti tempestive occurrisset, provincia Romæ sibi demandata perfunctus erat. Verum tamen hierarcham Romæ pæniteret necesse, quod a. 1240 in Esthonia non esset, qui periculum vi-

a) Compertum præterea eorum auctoritate, quæ comitia Orthungensia, ubi a. 1240 lex Cimbrica lata est, nominaque præsentium descripserunt v. c. Hamsfortius (chron. in Langeb. Script. R. D. I. p. 288), legatum illi conventui non interfuisse. Attamen liceat mihi nihilosecius observare l. II. c. 83. leg. Cimbr. (de opere diebus festis licito) eandem referre indolem, quam constitutionum Bergensium quædam, nisi forte remissionem hanc mitiori ætatis ingenio quam clementiæ Guillelmi imputare malimus. Diversum sanc juseccles. Canuti Magni Slesvici a. 1022 promulgatum, in quo omni opere diebus festis, necessario quamvis, severe interdictum erat; vid. Pontopp. ann. I. p. 178.

fili perniciosi, quod Valdemarus, rex Dan-
 præter iussa pontificia commissurus erat, pa-
 sens depelleret. Vitium idem illud,
 Guillelmum in Svecia tam prospere obvi-
 euntem videbimus. Qvanquam enim capi-
 la ad omnes Daniæ ecclesias cathedrales et
 instituta erant, reges tamen in episcopis e-
 gendis auctoritatem non nunquam vindica-
 rant *b*). Valdemarus II gravitatem præro-
 gativæ illius tuendæ, quo in longinquis prov-
 inciis imperium circa sacra exerceret, pro-
 edoctus, cum a. 1240 episcopum Revaliensem
 magno dono impertiret, diserte excepit,
 ad regem, si unquam jure electionis priva-
 tur, donum esset rediturum *c*). Neque n-
 penes regem Daniæ, donec Margaretha, u-
 ter Erici VI a. 1277 precibus canonicoru
 Revaliensium cederet, jus eligendi vere fu-
 se invenimus *d*). Guillelmus noster stud

b) V. c. Valdemarus I, cum vacaret sedes e-
 scopi Ripensis. Pontopp. ann. I. p. 326 c
 Mithter Reform. Hist. I. p. 82 sqq.

c) Pontopp. I. p. 651 sq. cfr. Hvitfeld p. 206

d) Pontopp. I. p. 739 sq.

hierarchicis plenus, si adfuisset, in re tam gravi parum sanè connixisset.

Hvitfeldius et alii auctorem hunc secuti e) Guillelmum tradunt e Dania in Sveciam profectum sacerdotibus hujus regni matrimoniis interdixisse multaquæ alia instituisse. Nolim equidem auctores tanti nominis spernere, attamen haud modice suspicor, uti in aliis scriptoribus, de quibus suo loco disserendum, ita et ab illis, qui laudati sunt, esse quasi confusa eventa a. 1248 et ad annum, de quo agitur, translata, licet non negem Hvitfeldium concilii Schenningensis mentionem injicere f). Varia me dubium fecerunt. Quæritur cur de Guillelmo, postquam Dania egressus es-

e) Kron. p. 204. Münter Mag. I. p. 97 cfr. Baaz inventar. eccles. Sveog. p. 144. Bzovius (annal. eccl. post Baronium) ad a. 1240. 9. quidem narrat papam h. a. Guillelmum in Livonia et Borussia legatum provincia Scandinaviæ quoque ornavisse eique mandavisse, ut mores inquireret ecclesiasticorum, schismaticos ad pacem ecclesiæ revocaret ac principibus gentiles impugnantibus partim benedicendo partim victos instituendo adesset.

f) Kron. p. 218.

set, per biennium fere in Svecia inque negotiis tanti momenti versato, tam parum constet, ut plurimi inque locupletes hoc factum silentio prætermiserint? quid porro Guillelmus ipse, constitutionibus Schenningensibus præfatus *g*), in violatores interdicti a semetipso paulo ante editi ne minimum quidem animadvertisset, atque matrimonia sacerdotum omnino commemoraverit tanquam pravam morem, sed veterem adeo a patribus traditum atque illæsum?

Quoniam res hæret, nescio an conjecturam proponere liceat, qua relationes et dubia quodammodo inter se conciliari possint. Guillelmus a. 1247 ex Anglia in Norvegiam trajecturus, cum male audiret, quod Norvegos barbaros adire vellet, inter alia respondisse fertur *h*): "prius se in Norvegia fuisse, visum quoque sibi eorum archiepiscopum virum excultis moribus tantæque dignitati idoneum, etiamque episcopos doctrinæ morumque laude conspicuos esse, &c. Cum igitur Guillelmus ante a. 1247 in Norvegia commo-

g) Vid. Mûnter Magaz. I. p. 192.

h) Torfæi hist. Norveg. IV. p. 246.

ratus Sigurdum Indridi filium nosset, qui a. 1230 ad archiepiscopatum accesserat ⁱ⁾, facile putarem ipsum compositis iis, quas cum ensiferis Valdemarus egerat, litibus per Sueciam in Norvegiam ivisse et eo modo tricas expediri posse. Uti rem ipsam ita neque consilium itineris facti nisi conjecturâ assequi possumus. Fieri quidem potuit, ut Guillelmus, cum legem cælibatus ecclesiastici a Nicolao Breakspear a. 1152 jam latam postea vero neglectam Gregorius IX a. 1237 denuo jussisset ^{k)}, edicto pontificali præsens auctoritatem conciliaverit. Sunt quidem, qui sacerdotibus Norvegicis Guillelmum a. 1247 conjugiiis severe interdixisse tradant ^{l)}. Quando autem, qui rem factam narrant, licet cæterum legatio ad Norvegiam a. 1247 suscepta satis sit illustrata et exacte descripta, nullo auctore fide digno utuntur, est certe, cur opinemur.

i) Finni Johan. hist. eccles. Isl. I. p. 230.

k) Münter von Cælibat und Priesterehe in Norden; in ejusdem Beyträge zur Kircheng. p. 340 sqq. cfr. Mag. I. p. 185 et. Bzovius ad a. 1237 nr. 9 (Mss. Barthol.).

l) Messenii Scand. illustr. II. p. 34. XV. p. 37. Evalds Tidsregister p. 495 cfr. Münter l. c.

eos conamina priora in cælibatu instituendo olim collocata minus autem cognita huc traxisse. Urcunqve demum existimatur, res conato male cesserit necesse, cum in Norvegia exstent vestigia concubinarum saltem inter clericos usque ad tempus reformationis†). At e locis impeditis divertamus Guillelmum nostrum via planiori eademqve ab arcto remotiore brevi sequuturi.

Dum Tatarorum effusa cohors Poloniam Silesiamqve ferro flammaqve devastabat, horrida tempestas ab altera parte rebus christianorum his in regionibus imminebat. Svantopelcus, Pomeraniæ dux, et veritus et prohibiturus, ne Pruthenis Lithuanisque subactis ordo teutonicus ducesqve Poloniæ adversarii viribus ipsi demum molestis augerentur, cum illis gentibus in angustias compulsis arma junxit, et debellatis christianis, quibus quondam opem tulerat, fractisque viribus

†) Cfr. Cavillationes Theodorici de Niem (Nemor. Union. Tract. VI. c. 35 p. m. 377 sq.) Quæ leguntur ap. Pontoppid. II. p. 26 sq.

eorundem contigit, quod optaverat *m*). Guillelmus, cujus prudentia et navitas Romæ egregie experta esset, a: 1242 eodem iterum ablegatus *n*) initio quidem eâ fortunâ usus est, ut pacem inter Svantopeleum et propugnatores rei christianæ conciliaret *o*). Sed Pomeraniæ dux hostibus diffisus pacem et concordiam, quam viribus inferior inierat, simulavit tantum; et vulnus, quod jam consanuisse videbatur, mox recruduit. Ne multa: omnes artes a Guillelmo adhibitæ omnesque minæ et piæ cohortationes ad expeditiones sacras contra refractarium istum suscipiendas in viro forti opprimendo frustra consumebantur *p*). Multo tempore interjecto Jacobo, archidiacono Leodiensi, tandem contigit, ut Svantopeleum ad firmam pacem compelleret *q*). Guillelmo in mandatis quoque fuit, ut controver-

m) Cfr. chron. Petri Dusburg. cum not. Hartknoch. p. 120. vid. etiam histoire de l'ordre teut. I. p. 320-335 p. 361 sqq.

n) Dlugoss. hist. Polon. I. p. 690.

o) Chron. Dusburg. p. 138 sqq.

p) Raynald. ann. II. p. 343 sqq. Suhm K. p. 33.

q) Chron. Dusburg. p. 168. Histoire de l'ordre teut. I. p. 404 sqq.

sias nonnullas inter episcopos et equites dirimeret. Borussiam secundum Petrum Daburgensem r) in quatuor divisit episcopatus, secundum Longinum nonnisi in tres s). Qvod discrimen inde proficiscitur, quod Longinus, cum episcopatus Chelmensis jam pridem conditus tum forte confirmaretur modo, Var-miam duntaxat et Zambiam et Pomeraniam recenset. Litteræ, quibus hæc episcopatum institutio probatur, a. 1243 datæ sunt Anagninæ; unde Guillelmum, ut gratiam pontificis jam eligendi aucuparetur, Romam rediisse credibile est †). Gregorius IX a. 1241 obiit moerore confectus, quod Fridericus II non modo concilium Romam convocatum multitudi-ne clericorum intercepta moratus erat, sed etiam caput ecclesiæ versus propius in dies accedebat. Gregorio successit Cælestinus IV, qui dignitate pontificia mensem ne unum quidem ornatus veneno interemptus fertur. Quo de-

r) Ibid. p. 122. Quo plures episcopatus, eo firmior res ecclesiastica pontifici videbatur.

s) Hist. Polon. p. 690 cfr. Acta Borussica II. p. 612 sqq.

†) Vid. histoire de l'ordre teut. I. p. 335.

cedente nulla creatio, quia Fridericus aliquot Cardinalium in vinculis retinuerat, per unum annum cum dimidio in conclavi instituta est, donec Sinibaldus Fliscus a. 1243 tandem pontifex maximus creabatur nomine Innocentius IV f). Amicitiam, quam Sinibaldus olim cum Friderico junxerat, Innocentius IV, quamdiu ab imperatore tanta impendebant mala, etiamnum simulabat. Re vera autem non poterat, quin Innocentium III sibi ad imitandum proponens cum principe audacissimo inimicitias iniret. Cui demum in fatis fuit periinde ac prædecessoribus in votis fuerat, ut præpotenti domo Hohenstaufforum ad occasum vergente oculos pasceret.

Guillelmus Romam, ut videtur, a. 1243 redux factus post neque ita multo, dum animum alienum dissimulare pontifex e re sua adhuc ducebat, honorifico mandato est ornatus, ut is cum quibusdam aliis ecclesiæ antistitibus pacem reficeret inter sedem apostolicam et imperatorem u). Guillelmus negotiis

z) Bower Geschichte der Päbste VIII. p. 82.

u) Id quod e bulla cernitur, quæ Fridericus II a.

1245 damnatus deponitur. v. Magnum bullar.

ejusmodi perquam fuit idoneus nec imperatori obscurus ab eo inde tempore, quo in episcopatu Mutinensi vixerat. Hæc legatio æque ac Ottonis cardinalis omni fructu, ut videtur, non caruit *v*). Suspiciones vero, odium propter captivitatem cardinalium et versutia pontificis non passa sunt in gratiam mansuram rediri *x*), ac secum cogitavit Innocentius, quomodo Fridericum, qui papam cum Roma in manibus habere crederet, maxime falleret. Vim imminentem Antichristi evitaturus fidei Genuensibus, unde erat oriundus, sese commisit.

Genæ (id. Julii a. 1244) omnibus in Christo fidelibus per Livoniam, Borussiam,

Roman. I. p. 85 Raynald. annal. II. p. 328. Matthæi Westmonast. flor. hist. p. 323. Nicolaus de Curbio (in vit. Innocentii IV. vid. Muratorii Script. rer. Ital. III. p. 592) videtur quidem nomen Guillelmi nostri inter legatos, quos dixi, præterire. Quomodo nomen hic sit expediendus, legas in notis Mansii ad Raynald. ann. II. p. 289. cfr. Pagi breviar. pontif. Rom. III. p. 293.

v) Vid. epist. Friderici II. ad regem Gallie. Petr. de Vineis ep. 241.

x) Cfr. Meister Gesch. der Hierarchie p. 241.

Gothlandiam, Oelandiam, Finnoniam, Esthoni-
 am, Semigalliam, Curoniam, Lithuaniam, Austriam, Stiriam et episcopus Pragæ
 ac Olmucii epistola scripta, quæ Guillelmus,
 episcopus *Sabinensis*, quondam *Murinensis*, in
 illis partibus constituitur legatus sedis apostoli-
 cæ y). Ita illis, quas Vistula permeat, oris
 res in extremum discrimen venerat, ut opem
 ferret pontifex necesse. Svantopelcus per
 Lithuanos, Pruthenosque gentiles firmatus flo-
 res christianorum nunquam non fregit. Qua-
 re Guillelmus, cum ad terram oppressam ip-
 se non perveniret, Svantopelcum per litteras
 et nuncios castigavit nihil tamen proficiens,
 cum ille non nisi minas redderet et verba fe-
 rocia: se a persecutione hostium suorum ne-
 dum propter legatum apostolicum, sed nec
 propter solum papam esse cessaturum, quo-
 minus armis equis tam Polonos quam Cruci-
 feros vexaret z).

y) *Acta Borussica* II. p. 613. Quibus negotiis
 Guillelmus implicatus videtur usque ad a.
 1245 aut 46, quo Opizzo, abbas *Messanen-*
sis, successor nominatur.

z) *Dlugoss. hist. Polon.* I. p. 701 cfr. *hist. de*
l'ordre teut. I. p. 361 sqq.

Ex illa, quam supra commemoravimus, epistola Innocentii IV intelligitur Guillelmum proventum esse ad ampliorem dignitatem episcopi Cardinalis de Sabina, unde tribus annis abhinc Gaufridus, nomine Coelestinus IV, solium Petri conscenderat *aa*). Münsterus in numero decem eorum, qui die trinitatis a. 1244 cardinales creati sunt, Guillelmum fuisse existimat *bb*); nisi forte dignitas cardinalitia Guillelmo donata ad tempus maturius referenda sit, quoniam in veteri tabula d. a. 1244. X. cal. Febr. de privilegiis quibusdam conventui Virzillacensi concessis nomen Guillelmi, episcopi Sabini, subscriptum legitur *cc*).

aa) Murator. Script. rer. Ital. III. p. 589.

bb) Magaz. I. p. 98; cfr. Raynald. II. p. 309 et duæ vitæ Innocentii IV apud Murator. III. p. 589 et 592.

cc) Raynald II. p. 341; cfr. Du Fresno sub voc. galerus. Ipsam tiaram rubram, galerus cardinalium quæ dicitur, a. 1244 cardinalibus concessam (ut plerisque v. c. Conring. antiqvit. acad. p. 354 ed. Heumann placet) dubitari potest, cum auctore Niccolò de Curbio (vit. Innoc. IV. c. 21 apud Murator. I. c.) pontifex cum rege Gallorum Cluniaci a. 1246

In epistola, quam (d. III cal. Dec. a. 1244) Guillelmus ad Hugonem, priorem Cartusiæ, dedit *dd*), queritur flebilibus modis,

congressus illud insigne distribueret cfr. Pagi gi breviar. pontif. Rom. III. p. 307 sq.

dd) Quam epistolam, cum et in fatis et in moribus Guillelmi describendis memoratu digna sit, e Mabillonii anal. vet. p. 483 nov. ed. totam exscribere mihi liceat: "Venerabili et in Christo dilectissimo patri meo, domino Hugoni, priori Cartusiæ, sanctisque fratribus ejusdem conventus frater Guillelmus, episcopus et cardin. Sabinus nunc, quamvis indignus, permittente Deo cet. creatus, debitam obedientiam et devotissimas filii orationes. Afflictus miserandum in modum, pater fratresque mei, sum, nec me gravabat tantum episcopalis sarcina, quanquam immense quantum premit; jam et incendit, quod, opprobrium hominum et abjectio plebis, de stercore miserabili elevatus, ego sedere jam jubeor inter ecclesiæ *mundique* principes i. e. inter vigilantissimos speculatores, dormiens homo et cæcus, inter gubernatores fortissimos timidus miles, et canis, si non mutus saltem non audax, nec satis clypeo orationis munitus et armatura justitiæ, quibus tectus venientia tela sine offensione excipiam. Vere humiliata est in pulvere anima nostra, conglutinator in terra venter no-

quod orium suum dignitate cardinalatus invito
sibi mandata interruptum esset, itaque vanâ

ster, Nihil nisi Cartusiam meam expetebam: ad hanc solam vota vitæ meæ suspirabant, et inspirabam quotidie pontifici sancto, liceret mihi jam in extremis posito saltem in illa quiescere et cum patientia inter innocentissimos fratres meos, quicquid dierum reliquum est, peragere. Parcat illi Deus! quid et quod facere vult! sepultum hominem ad hominas revocare, depositum in terribile curarum pelagus reponere, ut me honoris altitudo iterum resorbeat! Oro, pater, filio tuo in Christo indulgeas, et illa sancta multitudo, cui Deo auctore præses, uterinum monachum, ne dicam cardinalem, Guillelmum suum esse recordetur. Confidimus in vestris precibus; dumque inter dubia auxilii mentis meæ nullum aliud occurrit remedium, nisi ad Deum ipsum recurram, obsecro, supplicent ei Cartusiani mei, ut, qui dedit honorem, ipse servet, et nos eam vitam donet ducere, quæ tantæ dignitati par sit; donet, ut hæc tanti oneris speciosa, sicut corpus gravet, ita animum non opprimat, eaque utiliter ad ecclesiæ suæ salutem valeat collaborare. ut illi et sanctæ sedi ingrata non videatur! Nonne et inimicis et persequentibus vos benefacitis? nonne et miseris misericordes adestis? Recor-

ipse lactatus esset spe fore, ut cum Cartusianis tandem congregaretur; quod ut sibi

damini confratris vestri, nec de numero vestrum aliquem a principe tenebrarum capi patiamini. Sentiam, quia jam tempus est, quod semper de vobis speravi, et cum claves regni celestis in manibus vestris sint, humili et devoto corde supplico, ut ceteris admisis me fratrem vestrum nullo modo a regno vestro excludi sinatis. Rediissem ipse ad vos, et, quod scribo, ore maluissem dicere, nisi captum iter in Norvegiam, ad quam de mandato summi patris nostri festino, impedivisset. Si Deo propitio inde sospes rediero, non præteribo, donec videam, quos diligit anima mea. Interim, quod præsens non possum, absens facio, totumque fratrum collegium intimo affectu et affectuosissima devotione saluto, deprecans, ut pro me causaque itineris mei mentium suarum turibula et orationum sanctarum veluti fumum aromatatum in cælum emittant; quibus pro officio, quantum possum, ex parte omnipotentis Dei et purissimæ Virginis, matris Dei sanctorumque omnium corde et ore benedico. Lugduni d. III cal. Dec. a. 1244. Hinc egregie apparet pietas et modestia Guillelmi, quantumque opera ejus a papa æstimaretur. Est cæterum unicus locus, qui Guillelmum monachum Cartusianum fuisse (id quod Ciaeco

contingeret, ex intimo pectore optasse se sapiusque a papa veniam petiisse.

Innocentius IV, cum ne Genuæ quidem se-turum putaret ab insidiis adversariorum, iterum profugit, et post multa discrimina rerum Lugdunum pervenit, receptaculum papæ extorri opportunum *ee*). Quo in itinere tumultuario et difficillimo Guillelmum, episcopum Sabinum, comitem habuit *ff*). Guillelmus biennium fere Lugduni egit *gg*) transactionum particeps et facinorum, quæ illu-

nus, Ughellius cit tacent) commemorat vid. Morotii theat. ord. Cartusiani p. 63.

ee) Oppidum Lugduni, quod ad regnum Arclarense pertinuerat, tum erat in potestate archiepiscopi Lugdunensis (Schmidt Gesch. d. Deutsch. III p. 46) et in medio regno principis præsentissimi situm.

ff) Nicol. de Curb. vit. Innoc. IV c. 13 sqq. ap. Murat. S. R. I. III p. 592.

gg) Guillelmum a. 1245 Lugduni commoratum esse inter alia mihi exploratum est ex epistola protectoria, cui ad monasterium S. Canuti Othiniense indidem missæ Guillelmus Sabinus etiam subscripserit vid. Thorkelin: diplom. Arna-Magnæan. I. p. 148.

strissimo Germanorum principi demum erant fatalia potius quam letalia. Innocentius IV, Gregorium VII agere cogitans oblitus est nullum sibi oppositum esse Henricum IV.

Cum Curones pagani christianos premerent, nec eo minus episcopus Rigensis ab ordine teutonico dissideret, Guillelmus pro munere legati curam gessit ecclesiæ, cui juvenis bene consuluerat, edixitque a. 1245, ut Curonia expugnata inter equites et episcopatum distribueretur *hh*); deinde unacum Petro episcopo Albanensi et Johanne Tit. S. Laurentii in Lucina presbytero cardinali a. 1246 præscripsit, ut nullus in posterum esset episcopus Semigalliensis, verum, excepta tertia parte ordinis teutonico concedenda, ecclesia Rigensis "primitiva et præcipua præ cæteris ecclesiis Livoniæ et Esthoniæ, Semigalliæ augeretur, quo fortius paganis irruentibus resisteret; Henricus de Lettleburg, qui episcopus Semigalliæ jam esset designatus, salvis commodis capituli Rigensis in episcopatum Curoniæ transferretur *ii*).

hh) Gadebusch. Livl. Jahrb. I, I. p. 244.

i) Præterea cernitur ex hac epistola archiepisco-

69

Hæc quidem sunt, quæ de Guillelmo Sab.
commemoranda existimaui, antequam trans-
eatur ad alteram partem vitæ legationumque
ejusdem; annos si numeres, minorem; facta
si animadvertas, eminentiorem nobis saltem,
qui sub arcto versamur.

7.

Morus intestini factionesque, quæ plus
centum annos post ætatem Sigurdi Hierosoly-
mipetæ Noryegiam misere vexaverant ad hier-
archiam in eodem regno stabiliendam magno-
pere contulere. Turbis ejusmodi quippe sæ-
pissime efficitur, ut alter ordo alterum oppri-
mat; in Norvegia autem singulares erant cau-

pum Rigæ tum esse constitutum cfr. hist. de
l'ordre teut. I. 445 sq. Epistola ipsa legitur
in Nettelbladt. fascicul. rerum Curlandica-
rum p. 150 sqq. Innocentius IV a. 1251 de-
cretum cardinalium confirmavit; vid. Cod.
diplom. Pol. T. V. n. XXIV. p. 17. Sed me-
moratu dignum est epistolam Cardinalium in
bullâ Innocentii confirmatoria ad annum octa-
vum pontificatus ejusdem referri, a Nettel-
bladt autem aliisque ad annum tertium pont.
Innoc. cfr. Arndt Lief. Chron. II. p. 46 sq.
n. b.

sæ, cur ecclesiastici e motibus civilibus superiores discederent. Quibus, cum tempori callidissime inservirent, superstitio egregie multisque modis opem tulerit necesse. Judicia Dei, quæ clero interprete ferebantur et exercebantur, ad lites de rerum summa dirimendas subinde adhibita sunt, cum jubere putarentur, quoniam legitimus esset hæres regni necne. Æmulo cuique videndum, ut clerum, qui unus omnia posset, sibi conciliaret; verum benevolentia ejusmodi captanda candidato magni stare solebat. Ita, ut exemplo utar præclaro, Magnus Erlingi imperium occupatum vindicaturus confessus est regnum Norvegiæ se jure clientelari a S. Olao et sede Nidrosiensi accepisse a). Quo factum, ut clerus et nominatim archiepiscopus Nidrosiensis ab eo, qui suffragia sibi devincturus esset, commoda sua aucta volentes in certaminibus de rerum summa difficillimis firmitatis plurimum nanciscerentur.

a) Diplom. Arnæ-Magnæan. ed. Thorkelin. II. p. 8 cfr. confirmationes Cælestini III. ibid. p. 13-18. cfr. Münter Reformat. Hist. I. p. 89 sq.

Princeps strenuus quisque v. c. Syerrius iniqua vincula, cum frangere cōnaretur, ultionem vultuorum ipse et posteri senserunt. Haqvinus Haqvini vestigiis magni progenitoris insistens privilegiis ecclesiasticorum etiam cumulatim regnum emere negavit disitans multum se, regem legitimum, a Magno Erlingi differre, qui jure nullo imperium sibi arrogasset. Qua de causa Haqvino magnas inimicitias cum ecclesia habenti adversus complures factiones luctandum erat. Quin natalium dedecus ipsi adpersum ^{b)}. Fuit autem, postquam in formam monarchicam hierarchia abiisset, arbiter Romæ, cui omnes *reges* subesse cogerentur et justis limitibus coercerentur. Nec Haqvinus notam illam Gregorii sententiam: "Petra dedit Petro, Petrus diadema Rudolpho," tantum fastidivit, ut in opinionem sibi forte utilissimam non descenderet. Qui igitur, cum sua magni interesse videret, ut regnum jure legitime nati sibi delatum auctoritate sollemni pontificis monstraret, mature admodum rogaverat, ut

b) Torfai hist. Norveg. IV. p. 131. 140.

coronâ regiâ per legatum sedis apostolicæ sibi impositâ cælitus quasi inauguraretur. Sollemnia illa, quæ in maximum regni detrimentum Magno Erlingi primo erant concessa *c)*, quæque Sverrius, licet papa ejusdemque legatus Fidentius precibus reluctarentur, ab episcopis regni sibi faventibus impetraverat *d)*, nepos Sverrii viâ diversâ obtinenda duxit, cum Petrus Husastadensis ipse, qui ope ipsius archiepiscopatui Nidrosiensi præfectus erat, fide cum veste mutata a partibus regis defecisset *e)*.

In litteris, quos Gregorius IX a. 1229 jam ad archiepiscopum Nidrosiensem et episcopum Bergensem scripserat, de petitione Haqvini fit mentio *f)*. Clerum vero Norvegicum adversus regem in accusationem coivisse regemque denuo Romæ desideria sua

c) Mülnter Mag. I. 24.

d) Ibid. p. 33.

e) Finni Johan. hist. eccles. Island. I. p. 229.

f) Access. ad rec. bullar. Celsii p. 21, nr. I. Unde patet rem primum omnium archiepiscopo Lundensi et episcopo Scarensi examinandam fuisse, quorum autem illum regi suspectum fuisse, hunc mortem obiisse.

edidisse crederem inveniens Gregorium IX a. 1231 episcopo Bergensi atque Stavangrensi, qui unacum abbate Stanleyano in suffragium archiepiscopi defuncti successerat, id negotii dedisse, ut de Haqvino jam jam inungendo sibi referrent, quibus natalibus et qua conditione uteretur, nec non quomodo esset electus g). Nescio an lites, quæ tunc temporis cum Hohenstauffis pontifici erant acerrimæ, impedimento fuissent, quominus hujus petitionis justa ratio haberetur; nisi forte ab altera parte causæ graviores intercederent, cur pontifex regi Norvegorum se facilem præberet.

Fridericus II, imperator, res Norvegicas, quibus quippe, rege et Skulio, duce, inter se contendentibus, sese interponebat, non solum non neglexit, sed etiam societatem et amicitiam Haqvini, quem maximi æstimabat, per legationes ambivit h). Ut autem

g) Celsii bullar. p. 63 cfr. access. ad. bull. p. 23 nr. 5.

h) Torfæi hist. Nørv. IV. p. 209. 242. Qvin a. 1250 (minime a. 1239 ut fert Messenius Scand. ill. XV. p. 36) imperator magno regi Norvegiæ reverentiam verbis honorificentissimis testificatus Lubecam pactus est, qua cum

Fridericus suas res confirmandas maxime curavit, ita Innocentius IV eo potissimum tempore, quo inter se et adversarios decertandum erat, et Fridericus fastigio sedi apostolicæ formidoloso deturbandus, minime sibi defuit, quin omnes Europæ principes, Haqvinum non ultimum partibus suis adungere studeret. Litteræ pontificis blande et perhumaniter scriptæ illaque studia præ se ferentesⁱ⁾ Haqvinum acrius impulerunt, ut sollemnia coronationis et inaugurationis sacræ etiam atque etiam flagitaret.

Pontifex pridem cogitaverat legatum in Norvegiam mittere et Guillelmum, ep. card. Sabinum, huic legationi maxime idoneum destinaverat ^{k)}; at opportune admodum a. 1245, quo celebratum illud concilium adversus Fridericum habebatur, Lugduni apparuerunt nuncii regis Norvegici, Abbas Cisterciensis

urbe Haqvino multo fuerant contentiones (Torfæi IV. p. 263 sq. Gebhardi Norg. Hist. II. p. 35 cfr. diplom. Tkork. II. p. 36).

i) Torfæi h. N. IV. p. 243.

k) Id quod docent litteræ supra laudatæ, quas ad Hugonem Cartusie dabit Guillelmus.

de Hoduedheia †) et canonicus Nidrosiensis, quibus mandata regia commissa erant ‡). Sunt, qui dicant Haqvinum pro inauguratione obtinenda et macula natalium delenda 30000 marc, arg. pontifici donasse m). Nec inanem illum aut ad largiendum restrictum tanto beneficio fore ornatum facile sibi persvadebit, quicumque sacram auri famem, cujus explendæ curia Romana semper avidissima, cognitam habuerit et simul animadverterit, quantum argenti tum maxime profunderent papæ Fridericum perdituri n).

Guillelmo in Norvegiam abituro Innocentius duas præmisit epistolas (d. III cal. Nov. et id. Nov. a. 1246), quibus cum regi legatum commendasset, utpote cui munus legati apostolici in partibus Norvegiæ et Sveciæ commissum esset o), homines ecclesiasticos

†) Hoduedheia i. q. Hovetøe, monasterium Asloense.

‡) Messenii Scand. ill. II. p. 34.

m) Suhm Historie X. p. 94.

n) Cfr. Schmidt Gesch. d. Deutsch. III. p. 23. 49.

o) Innocentius IV., quo vincula hierarchiæ laxiora arctius constringeret, quatuor nuncios Lugduno ablegavit ad varias gentes (Nicol. de

et procures dicto audientes et officiosos se gerere jubebat, fidemque regi faciebat defectum natalium, ad quem adversarii provocarent, nunquam ipsi fore obstaculo, quominus imperium retineret, dummodo erga clerum pium se præstaret ad instar priorum regum Norvegiæ, "qui inter principes catholicos fide et pura devotione clâruiſſent, et ecclesiæ singulares produxiſſent gaudiorum delicias." p)

Münterus illustr. episcopum Sabinum cal. Nov. a. 1247, antequam in Norvegiam venisset, coronationi Guillelmi, comitis Hollandiæ, interfuisse tradens auctorem vitæ Innocentii IV erroris arguit; verum anachronis-

Curb. vit. Innoc. IV. c. 17). Neminem, si præsentem rerum statum et primaria consilia curiæ Romanæ mente teneat, fugiet utique legatis dimissis id negotii imprimis datum fuisse, ut principes Europæ ad novas res sollicitarent, et pecunia, qua hostes armare possent, undique corrasa genti Hohenstaufficæ fasces frangerent interitumque pararent. Matthæi Westmonast. flor. hist. p. 335 cfr. Matthæi Paris hist. maj. (ed. Paris.) p. 487.

p) Raynald. ann. II. p. 358 Thorkel. diplom. p. 27.

num committit, ni fallor, sibiſque repugnat
 q). Nicolaus de Curbio r) ſuo quidem jure
 contendit Guillelmum Sab. legatione perfun-
 ctum unacum Petro, card. S. Georgii, inaugu-
 rationem ſolennem Guillelmi, comitis Hollan-
 diæ, Aquisgrani obiiſſe. Poſtquam Henri-
 cus Raſpe, comes Thuringiæ, a. 1247, impe-
 rium cum vita poſuerat, de altero imperatore,
 qui Friderico II opponeretur, pontifici erat
 providendum. Sors tam multis repulſa Ri-
 chardo, diviti Cornubiæ comiti, obvenit,
 dein vero Guillelmo Hollandiæ comiti; qui
 ut ab archiepiſcopo Moguntino, Trevirano
 et Coloniensi feriâ quintâ poſt feſtum Mi-
 chæelis a. 1247 rex Romanus designaretur,
 Petrus Capucius, legatus ſedis apoſtoliciæ,
 auctor fuit s). Cui rei Guillelmum noſtrum,

q) Mag. I. p. 98 not. 7 cfr. p. 99 ſq.

r) Vit. Innoc. IV. c. 22. Dummodo pro voc.
 Norvegia ſubſtituatur voc. Septemtrio. Nec
 abſurdum Nicolaum hac in re erraſſe, quo-
 niam Guillelmus in Norvegiam præſertim
 tendebat. Nicolaus autem Guillelmum a.
 1244 Norvegiam petiſſe narrat cfr. c. 17.

s) Chron. Alberti Stadens. p. 317 cfr. Geſch. d.
 Nunc. I. p. 215 Lünig ſpicil. eccles. contin.
 III. p. 259.

73
qui a d. XV cal. Jul. anni ejusdem inde in Norvegia commoratus esset, abfuisse per se omnino pater. Nil aurem obstat, quominus legatus a Svecia redux factus, siquidem decreta, quæ in Svecia novissima edidisse fertur, mensem Julium a. 1248 non superent, sollemni inaugurationi Guillelmi Hollandiæ eodem anno (cal. Nov. die dominico) Aquisgrani peractæ interfuisse putetur t).

Guillelmus Sabin. in Norvegiam perrecturus per Angliam iter facere decrevit. Henricus III vero, cui nuncius quisque sedis apostolicæ minime læti ominis esset u), legatum,

t) Matthæi Paris. h. maj. (ed. Paris.) p. 502. Collect. amplissim. ed. Martene & Durand. IV. p. 1103 cfr. Raynald. II. p. 399.

u) "Papa legatos sub specie simplicium nuntiorum potestatem tamen habentes legatorum undique desinavit, qui multifariam exegerunt pecuniam nunc prædicando, nunc supplicando, nunc excommunicando, nunc procurationes exigendo; per regnum Angliæ multos extorres reddiderunt et mendicantes. Et ut thesauros omnium efficacius emungerent, et pecuniam undique colligerent quasi ad succursum terræ sanctæ (cujus tamen pecuniæ voluit suos, quos ad hoc ordinaret, esse col-

quem aditu prohibere voluisset, jurejurando obstrinxit, ut terram a portu Dubris ad portum Leunæ pervaderet absque ullo regni et ecclesiæ detrimento; verum episcopus Sabinus, qui hic alio, quam solet, habitu nobis apparet, promissis non stetit, quin tres menses inter Britannos transigens per nuncios ad episcopos et abbates ablegatos procurationes exigeret pretiosaque munera, ita ut præter alimenta quatuor millia marcarum e regno secum exporteret, nunquam vero oblitus apud populum tanquam mercedis loco concionari. Navis, qua in Norvegiam trajecturus erat, "instar arcæ Noachi, splendidissime instructa est. Quo facto Guillelmus Britannici Britannisque munificis bene precatus mari arctoo se suaque commisit.

lectores et dispensatores, nec tamen inde unquam ecclesia promotionem sensit) monuit papa, servus servorum Dei omnes Christi fideles! En testimonium coævi anglicani Matthæi Parisii h. m. p. 274 cfr. 299 sq. cfr. Hume history of England II. p. 144 sq. ●) Matth. Par. p. 490 sq. cfr. Matth. Westmest. flor. hist. p. 338.

Fertur Britānos quosdam iter ad Norvegos Guillelmo dissuadere voluisse, quoniam essent et barbari et *egeni*; Guillelmum autem respondisse gentem jam dudum sibi esse commendatam, utpote cultus numinis religionis-que christianæ tenacissimam sapientissimoque regi subjectam. Prius se in Norvegia fuisse; visum quoque archiepiscopum virum excultis moribus tantæque dignitati idoneum, etiam episcopos doctrinæ morumque laude conspicuos cct. x).

8.

Jam perventum est ad eam Guillelmi legationem, quæ ab historiographis Norvegiæ celebrata doctis-que Münsteri curis a) adeo illustrata est, ut mihi solum racematio quasi relinqvatur. Sed ne in hac quidem operam plane irritam me dedisse putaverim.

Guillelmus adulta ætate a. 1247 Norvegiam tetigit. Animus mox convertitur ad eam de propriis commodis contentionem, quæ

x) Torfæi h. N. IV. p. 246.

a) Magaz. f. Kircheng. u. Kirchenr. Nord. I. p. 98 sqq.

in negotiis Norvegicis legato transigendis manifeste cernitur. *Rex* fracto spiritu cleri imperium tueri et firmare molitus est; quod cum assequeretur, unus ille putandus est in hoc discrimine victoriam reportasse. Quæ autem *clerus* Norvegiæ affectabat, commoda omnino fuerunt contraria. Dies enim gloriosos illos, quibus Magnus Erlingi coronæ ergo salutem patriæ ipsi prodiderat, in animo versans, privilegia nimis confirmari sibi et augeri cepivit. *Legatus* usus denique cunctis rebus, quibus gaudet sequester insignis quisque, fuit unice intentus, quomodo placita ecclesiæ Romanæ et quidem papalis, qualia tum usu venerant, et in ecclesia et in civitate Norvegiæ imprimerentur; quocirca ille profecto personam egit difficillimam, cui summa calliditate opus erat, ne certamine anticipi vinceretur. Verumtamen consilia, quæ prudentia civilis curiæ Romanæ tunc temporis svadebat, legatum sedis apostolicæ regi ita totum se dare jusserunt, ut Guillelmus a partibus cleri minus staret, quam de homine ecclesiastico esset sperandum. Legati erant

quasi brachia paparum; qua mente itaque regantur eadem, si inveneris, non latebit causa, cur huc illuc porrigatur, alteri palpetur, alterum vero percutiat manus. Credibile est sedis apostolicæ plurimum interfuisse, quo ampliori loco in Norvegia poneretur dignitas episcopalis et archiepiscopalis *b)*, nisi forsan (id quod pro certo affirmare non ausim) timor obstiterit, qualis nonnunquam alias papam anxium habuisse fertur, ne scilicet caput nimis attollente archiepiscopo Nidrosiensi (qui primatui Lundensi non parebat †) detrimenta caperet diocesis romana et imperium pontificis. Sed in historia pontificum et hierarchiæ romanæ exponenda utique justum discrimen, ut Justino Febronio videtur, ponendum et observandum est inter consilia artesque sedis apostolicæ atque curiæ Romanæ, quamvis pontificii utraque vere discriminata

b) Negari quidem nequit, quin vere æque ac ingeniose judicet Aventinus (Hist. Bojor. VII c: 4. nr. 15 & 16) vires pontificum increvisse ab eo præsertim tempore, quo episcopi *graviâ sedis apostolicæ nec sola Dei miseratione* electi nominarentur.

†) Neumann hist. primatus Lund. p. 65 sqq.

et disparia esse nolint. Legatum vero utrique parti inservire oportebat.

Guillelmus Sabinus cum Norvegiam intrasset, nemo non variis consiliis adductus benevolentiam viri, quem verebatur, captae studuit. Nec sibi defuit illi, quin auctoritatem in rebus incertis tam necessariam quovis modo firmaret. In oratione, quam brevi post adventum habebat, animos vulgi convertit fortunatos iudicans, ad quos pontifex pro singulari gratia episcopum Cardinalem misisset c). Atque in epistola, quam praeterea dabat, dominum sese et iudicem cleri haberi velle parum dissimulavit, promulgans d) ad papam sive legatum ejusdem, si quis archiepiscopo ipsi actionem intendere veller, eundum esse. Neque tamen ultra mandata pontificia quid sibi arrogavit e).

Clerici, simulac iubente legato conveniant, per nebulam minime indicarunt spe-

c) Torfæi h. Norv. IV. p. 247.

d) Thorkel. diplom. Arna-Magn. II. p. 29.

e) Raynald. ann. eccles. (ed. Luca 1747) II. p. 358 sq.

rare se futurum hunc etiam, qualem sedis apostolicæ legatum a tempore Erlingi et Sverrii inde habere consuevissent. Id quod Sverriam deturbaturi a Fidentio card. impetraverant *f*), a Guillelmo quoque contra nepotem Sverrii simillimum sibi concessum iri fistunt, fore nimirum, ut rex prius non inauguraretur, quam commodis ecclesiæ, nimis dudum, consulisset. Guillelmus præsules potentissimos, quoad salvis desideriis, quibus inprimis inhiabat, fieri poterat, deficere ac offendere nolens, eam quidem, quam clerus optabat, conditionem regi tulit. Sed posteaquam resciverat malle regem beneficio coronationis sese abdicare quam vinculis hoc gravioribus se et populum oneratum iri, tantum abfuit, ut ea de causa regi coronâ interdiceret, atque adeo rationes iniret severiores, ut ejusmodi petitionibus cleri aures porro præbere recusaret. Unde factum, ut repulsam non minus ferrent ecclesiastici Guillelmum post inaugurationem regis flagitantes, ut inunctum nihilosecius ad nonnullos regni redditus sibi

f) Münter Mag. I. p. 23.

impertiendos compelleret. Cleri erat impotentis mirari et fremere, cum legatum audiret rogantem: ut quibusdam beneficiis ecclesiasticis reipublicæ pariter cederet ipse; in quam conditionem nisi descenderet, precibus ac utique parere nolle *g*). Qvod tamen constantia regis et consilium legati tum fieri verabant, clericis postmodum contigit, cum exiguum quid rependentes et jure ambiguo decedentes per transactionem *h*) inter Magnum, Haqvini filium, *Lagabæter* qui dicitur, et Johannem, archiepiscopum Nidrosiensem a. 1277 votis immodicis potirentur.

Causa si quæritur, cur ita in clerum legatus consuluerit, nil est aliud, quod respondeatur, quam regis amicitiam magis ipsi cordi fuisse, majoremque cleri insolentiam, quam ut sanctitas viri pateretur, nedum indulgeret. Quid autem inprimis sibi voluerit, sapius jam indicatum. Matthæus Parisius, auctor æqualis et fide dignus, certiores nos reddit,

g) Torfæi h. Norv. IV. p. 250.

h) Finni Joh. h. e. Isl. I. p. 386 sqq. Pentoppid. I. p. 741 Torfæus IV. p. 354 est. Münter Reformat. Hist. I. p. 94 sq.

quod ex ipso regis ore audiverat, eundem ad hostes ecclesiæ impugnandos semper paratum se professum esse, sed non habere, cur inimicos papæ adoriretur *f*). Qua de causa artes curiæ Romanæ probe edoctus et æque abominatus Haqvinus, cum loco Guillelmi, Hollandiæ comitis, qui a. 1256 decessit, a pontifice ad dignitatem cesaream vocaretur, omnino tergiversatus est.

Nescio sane, num incerta spe vagisque promissis Norvegius episcopum Sabinum lactaverit, an hic, donec rex coronationem obtinisset, mandata sua temere distulerit *h*). Sed festo S. Olai (d. IV cal. Aug. a. 1247) sollemnia inaugurationis regiæ per legatum sed. ap. rite instituta sunt *i*). Mihi quidem

i) Matthæi Parisii h. maj. (ed. Paris.) p. 506.

Torf. h. N. IV. p. 265 Gebhardi Norg. Hist. II. p. 36.

h) Id quod Matthæus Parisius (p. 487) putare videtur.

i) Ritus illius festi accurate describendos prætermittimus; qui fusam velit enarrationem sollemnium, adeat ille Torfæum (h. Norv. IV. c. 34 & 35) cfr. Gebhardi N. Hist. II. p. 33 sq. Suhm Hist. X. p. 89-94.

verisimillimum videtur Guillelmum æqui benique consuluisse promissum aliud prius factum in expeditionem sacram regem iturum esse *m*). Quod vero Matthæus Parisius scriptum reliquit, pontificem eo consilio tertiam partem proventuum ecclesiasticorum Haqvino concessisse, Spondanus ita emendatum vult, juxta autographam Innocentii IV epistolam, ut nonnisi trigesima pars ad triennium illi permissa fuerit *n*). Guillelmum hujusmodi promissum satis habere coactum persvader constantia regis diu spectata inque tyrannide hierarchica respuenda inexorabilis, svident etiam mens Christo devota religionesque, nondum quippe deforbuerat cruce signatorum furor quamvis senescens. Neque Guillelmo fortasse difficillimum tum visum est milites Christi in pontificios convertere hostesque crucis cum adversariis clavium permutare: id quod Fridericus II exagitatus Christi miles,

m) Spondani continuat. annal. Baron. I. p. 163 cfr. Raynald. ann. II. p. 359.

n) Contin. ann. Baron. I. p. 166 cfr. Wedel Simonsen om. Nord. Valfarter og Korstoge. P. 140 sq.

ipse cum in eo esset, ut sepulcrum Servatoris infidelibus eriperet, in fraudem nominis christiani absens expertus est, sed præsens ultus est o). Utrunque res est, Haqvinius promissis male stetit et spem pontificis frustratus est; qui licet a. 1248 a Ludovico IX, rege Francogalliæ, cujus, cum in terram sanctam iter quoque pararet, societatem itineris recusaverat, veniam impetrasset, ut in Gallia de rebus ad iter necessariis sibi prospiceret, expeditionem nunquam tamen ingressus est †). Latet quidem, cur fidem fefellerit, plures autem cogitari possunt causæ. Per osus duorum fere sæculorum atque regentem Ludovici IX calamitatem tandem manifestum fuit, nil nisi cladem tristissimam ex discriminibus tantis in *republicas* fluere, ac vulgo persvasum esse cepit ne *ecclesiam* quidem e pecunia, quam papa per suos collectores et dispensatores quasi in succursum terræ

o) Moser Gesch. d. Nunc. I. p. 182.

†) Idque licet predicatorum et minorum pro mandatis Innocentii IV vehementer instarent cfr. Wadding. ann. Min. III. p. 246 (214) & 498.

sandæ corraderet, fructus unquam capere p). Nescio denique, an Haqvino in opinionem venerit velle papam non tam hostes Christi quam Gibellinos per arma sua debellari, indigneque tulerit q). Ut rex opinatus est, ita rem evenisse reperimus. Papa a. 1255 præcepit, ut expeditione in Siciliam facienda, ubi inimici Christi gravius premerent, Norvegi vota persolverent r). Innocentio IV scilicet tunc temporis in animo fuit regnum Siciliæ sibi subicere, sed arma Manfredi fecerunt, ut opem externam sibi deposceret s).

Rationes dum recensentur, quæ regem Norvegiæ inter et Guillelmum, legatum sedis apostolicæ, intercesserunt, a re nostrâ alienum non est animadvertere, quî hic ad rempublicam Islandiæ evertendam auctor fue-

p) Vid. Matthæi Paris. h. maj. p. 274.

q) Cfr. supra p. 85 sq.

r) Rymer. Act. publ. T. I. P. I. p. 195 edit. tert. Gebhardi N. H. p. 35.

s) Cum papa Siciliam, *feudum* quasi *receptabile*, revocare non posset, Carolo Andegavensi inaugurationem beneficiariam concessit. Forsan Romæ satius fuisset Haqvinum quam Carolum Andegavensem ad partes vocare.

rit et svasor. Insulam litteris potius quam legibus moribusque florentem Haqvinus jam pridem (a. 1220 per Sdorroneum Sturlæum ¹⁾) et a. 1235 per Sturlæum Sighvati ^{u)}) in suam potestatem redigere cōnatus est. Guillelmus Sab. denique, quo factionibus cēdibusque et bellis creberrimis, quibus Islandia justo moderamine carens laboraret, finem faceret, a. 1247 regem cohortatus est, ut expugnationem insulæ serio ageret ^{v)}). Fert opinio quoque res ecclesiasticas in eadem insula pro turbis omnium sic æstu fluctuasse, ut legatus terram cum Norvegiâ arctius conjunctam voluerit, neque non regem consentientem habuerit. Henricus, Caroli filius, a Guillelmo ipso, ut ajunt, inauguratus diocesi Holanæ ab Haqvino obtrusus est ^{x)}). Thordus Sighvati atque Sigurdus, episcopus Skalholtensis, a cardinali et regi impulsī, insulanis quovis modo persvadere conati sunt.

¹⁾ Torfæi h. N. IV. p. 147 & 151.

^{u)} Finni Joh. h. eccl. Isl. I. p. 379 sqq.

^{v)} Suhm X. p. 96 Torf. p. 251 Finni Johan. h. I. p. 233.

^{x)} Ibid. p. 363.

ut regi se dederent *g*). Sed a. 1264 demum consecuta est deditio totius Islandiæ.

Guillelmum itaque in ecclesia et civitate inter se et cum curia Romana conciliandis occupatum singulas res ecclesiæ Norvegicæ constituere deinde videbimus.

Legatus sollemnibus inaugurationis regiæ celebratis cum rege, optimatibus et ecclesiasticis multum deliberavit. Quibus ex consultationibus profectæ sunt illustres illæ constitutiones Bergenses *z*) eo valentes, ut securitas regni conservaretur, atque salus ordinum inferiorum ab injuriis esset incolumis. Quemadmodum Nicolaus Breakspear fere sæculo abhinc de rebus Norvegiæ emendandis bene meritus laudem caritatemque consecutus erat *aa*),

g) Finni Joh. h. e. Isl. I. p. 374.

z) Hæ constitutiones unacum confirmationibus Haqvini (a. 1247) et Innocentii (a. 1248) ad membranas Arna-Magnæanas in extenso expressæ inveniuntur in Finni Joh. h. e. I. I. p. 568 sq. p. 257 sqq. et p. 233 sqq.; Thor-
kel. diplom. Arna-Magnæan. II. 28 sqq. cfr.
Torfæi h. N. IV. c. 35 Münster Mag. I. p. 104. sqq.

aa) Münster Mag. I. p. 161 sqq.

ita Guillelmus eâdem vjâ incedens amorem reportavit Norvegorum.

In epistola, quam XVII cal. Sept. a. 1247 Bergis dabat, plurima juxta canones instituta esse declarat: 1. "jurisdictionem ecclesiasticam penes clerum esse, cum causæ nullæ, quæ ad forum ecclesiasticum pertinere censerentur, ad judicia laicorum trahi soleant, nisi si homo sacer in causis sæcularibus profanum accusaret." Quæ jurisdictio quânti momenti! Eo modo factum est, ut clerus statum componeret in statu, et hierarchia in monarchiam sensim abiret, quoniam peremptoria rerum transactio ad tribunal Petri relegeretur, sicuti Guillelmus in eadem illa epistola præcipit. Jurisdictionem autem ecclesiasticam, quam dixi, quæque per pactum Tunsbergense a. 1277 inter Magnum Haqvini filium et Johannem-archiepiscopum factum plane sancita est *bb*), Cælestinus III bullis dudum a. 1194 & 1197 inter comminationes pœnarum præscripserat *cc*). 2. "Electionem

bb) Firmit Joh. hist. eccl. I. p. 389 sq.

cc) Thorkelin: diplom. H. p. 14 et 17 Pontopîd. ann. I. p. 488.

episcoporum scribit et antistitum juxta canonum absque interventu laicorum c prorsus concessam esse. Auſtoritas regi in præsule capiendò cernebatur in, asse modo, quem tamen Haqvinus Haqvini- tificis amicitia fretus, cum in Petrum H stadensem dignitatem archiepiscopi Nidros sis deferri cuperet, prospere adhaebat. At omnis regum vis et auctoritas ab elec- nibus præsulum per pactum Tunsbergensi mota est ee). 3. Neque non jus patron- clero Norvegico reliſtum esse ff) Guillel- litteris suis indicat, tribus sacellis exce- modo, de quibus esset quæstio inter regi- et episcopum Stavangriæ. Qua de re leg- edixit, ut, donec reginæ filiiqve ejusdei- vivis essent, jus patronatus ipsis conces-

dd) Finn. Joh. I. p. 229. Privilegium episc-
rum eligendorum tam grave per pactu-
Magni Erlingi (Thorkel. II. p. 10) et be-
Celestini III a. 1194 (ibid. p. 13) c-
Norvegico obtigerat.

ee) Finn. Joh. I. p. 390.

ff) Cfr. Raynald. ann. eccl. II. p. 366.

maneret *gg*), his autem defunctis ad episcopum supra dictum reverteretur. Sed jus patronatus perpetuum, quod Haqyno in ecclesia provinciarum vicinarum, quas ad fidem adducturus erat, ex dono Innocentii IV *hh*) compete-
 bat, posthæc impetratum sit neces-
 se, cum hoc loco a Guillelmo non eximatur. Verum jure patronatus hocce etiam in capel-
 lis a se fundatis et dotatis, rex denuo cedere
 coactus est per pactum illud Tunsbergense,
 quod maxime totam repræsentat ideam hier-
 archiæ, qualis in Norvegia sub finem sæculi
 XIII adoleverat. Quantum vero firmitatis
 hierarchia ibidem ante jam esset nata, istæ
 litteræ Guillelmi Sab. satis indicio sunt.

Ex epistola eadem patet etiam, quanto-
 pere jus fortioris et licentia continuis factioni-
 bus seditionibusque orta et adaucta Guillelmo
 coræ fuerit, siquidem sacris et pace ecclesiæ

gg) Jus patronatus templi conditoribus et dona-
 toribus olim permitti solitum erat. Glossar.
 Du Fresne sub voc. patronatus; cfr. Lager-
 bring. Svea. Rik. Hist. II. p. 134.

[*hh*) Spondan. cont. ann. Bar. I. p. 163. Ray-
 nald. I. c.

interdiceret, quicumque adversus regem et regnum novas res moliretur. Qua in re an Guillelmus ad expeditionem sacram, in quam Haqvinus esset iturus, respectum habuerit singularem, utique nescio, solemne quippe pontifici regna bonaque principum absentium in fidem et tutelam recipere *ii*). Item execratus est, quicumque jura spernens e bonis cujusquam aliquid sibi arrogaret. Quod si bona direpta in manibus et custodia ecclesiarum et clericorum essent, injuriam coram iudice sanctae ecclesiae aestumari jussit. Id quod Johannes, archiepiscopus Nidrosiensis, postmodum confirmavit *kk*). In eadem constitutione Guillelmus denique excommunicationem intendit, si quis sanctimonialem de fornicationis peccato interpellaret, potestatemque loci suo ligandi et solvendi in manus dioecesanorum deposuit. Sequenti die (XVI cal. Sept,

ii) Ut exemplo utar ex hoc saeculo, Gregorius IX a. 1238 in tutelam recepit terras Otponis Brunsvicensis in expeditionem sacram contra Pruthenos abituri. Orig. Guelph. IV. p. 171 sq.

kk) Finii Joh. h. e. J. I. p. 456.

a. 1247) alteram Guillelmus constitutionem edidit, tam ut afflictis rebus vulgi succurreret, quam ut vitia quædam in rebus ecclesiasticis emendaret.

In Norvegia nempe, "tætta, quam dicit, tribulationis et angustiae in novissimis partibus aequilonis constituta, ut agricolæ, quia præter paucissimos dies a medio Junio usque ad exitum Augusti ingenti et continua pluvia impedirentur, quominus agros ararent et consererent, ad opera rustica faciendâ atque piscaces capiendos opportunitati cujusvis diei secundæ uterentur, quam esset necesse, legatus ipse sibi persvasit vel per alios edoctus. Cum igitur "liber quidam extraordinarius in vulgari Norvegorum scriptus, (sicut appellat Guillelmus jus ecclesiasticum, quod Sigurdo Hierosolymipetæ vulgo tribuitur //), quodque tractavit mm) Finnaeus) ab opere quolibet vel maxime necessario diebus festis rusticos prohiberet Norvegicos, severitatem ejusmodi naturæ cæli ac soli parum adeo invenit accom-

//) Mûnter Beytræg. z. Kircheng. p. 365.

mm) Tentamen circa jus ecclesiast., quod *priscum* dicitur.

modatam, ut incolis permitteret hāc
pere, quādocunqve occasio daretur, ne
non diebus festis rurī opus facere, quā
pro consensu omnium intemperies cāli
diebus fieri videret. Caterum est illud
ceptum de licitis operibus legibus senioris
admodum temperatum *nn*).

Inter mala vitia, quā in regimine e
clesiastico Norvegiā serpsent, hoc emi
quod episcopi redditus ecclesiarum vacan
sibi sumebant, quā etiam eadem de
munera ecclesiastica diutius vacua maner
riebantur. Quod quidem tantopere in c
mentum ecclesiā factum fieriqve pontific
sum, ut nonnisi rarissime hac in re con
ret *oo*). Talia vero, quā sibi postea res

nn) V. c. Magni Lagab. leg. Heids. jur. ec
9. Leg. Gul. Magni Lag. jur. eccl. ann
24 sqq. vid. collect. Paus. II. p. 276.
222 sqq. Jur. eccl. Joh. archiep. c. 25
& 35.

oo) Matthæus Parisius (hist. maj. p. 471
1246) narrat e. c. archiepiscopum Cant
ensem, permittente papa, annatis frui
dioeceseos.

bat dictator christianus, suo Marte absque numine omnia regentis usurpare Romæ improbarum. Quocirca Guillelmus inter minas præcepit, ut ecclesiis vacuis oëconomus præficeretur sive procurator ad redditus in rem successoris aut ecclesiæ colligendos. Quartam partem decimarum, quæ ecclesiæ nominatim redire deberet, per episcopum et procuratorem ejusdem recipi aut minui omnino vetuit. Sed non cavit solum, ne bona ecclesiæ dilaberentur, verum etiam dilapidata eidem restitui voluit. Sin autem ecclesia, quam depulati essent, forsitan esset delata, dōna reddenda ecclesiis vicinis retribui jussit.

Ut diserte legitur Guillelmum Sab. propter querelas rûnicolarum ad hæc statuenda commonitum esse, ita perspicuum quoque clericos inferioris ordinis de episcopis conque-
stos; quæ nunc sequuntur, effecisse. Episcopis enim legatus interdixit, ne, quoniam ecclesias non adeuntibus census pro visitatione non competeret, circadas *pp*) exigent pen-

pp) Censum, quem episcopi *circumeuntes* obtinent; vid Glossar. Du Fresne sub h. v. De perditis visitatorum moribus cfr. Theodori.

sionemque, quam sacerdotes, quotquot a visitationibus liberari vellent, solvere cogerentur; nisi si morbis forte vel negotiis necessariis impedirentur. Quo interdicto Guillelmus iniquitatem episcoporum in cogendo xenio *qq)* et cathedratico *rr)* circumscripsit.

Alia præterea Sabinus episcopus in jure Norvegico emendavit, quorum duo præsertim hujus loci est paucis commemorare. Edixit quippe, ne cui, nisi legitima nomina defuncti expediret, hæreditas obveniret; id quod cum legibus antiquis plane conveniebat

cus de Niem. (Nemor. un. Tract. VI c. 35 p. 377 sq. apud Pontopp. II. p. 26 sq.)

qq) Hospitium episcopis visitantibus gratis concessum, cujus loco, etiamsi haud visitarent, tributum tamen exegerunt v. Finn. Joh. h. e. J. I. p. 234. not. b. cfr. Joan. Saresburiensis. Policraticus s. de nugis curial. l. V. c. 15.

rr) Ita dicitur dimidia pars oblationum, quas cætus sacer quotannis die ecclesiæ consecratæ antistiti largiebatur; vid. Münter Reformat. Hist. I. p. 133. Pontopp. I. p. 244.

ss). Quid? quod? auctoritate Guillelmi nostri *ordalia* abrogata feruntur *tt*); nec sane repugnat jus ecclesiasticum Johannis archiepiscopi editum a. 1270, in quo de probationibus hisce nulla fit mentio, sed loco earundem juramenta et testes viâ canonicâ requiruntur. Judicia Dei, quæ cum ingenio ævi olim conspirantia haud parvæ fuerant utilitati, exitiosa jam a moribus sæculi ita abhorrebant, ut ubique fere aut essent antiquata aut antiquarentur *uu*). In Norvegia, ubi in primis causis habentur probationes ejusmodi, cum motus civiles ab ætate Haraldi Gillii inde cum numero principum de summa rerum concertantium succrescerent, tantum abfuit, ut superstitionis hæc etiamnum obsoluisset, ut Inga, mater Haqvini tum regnantis, gestatione ferri

ss) Leg. Gul. Haqv. Athelstani tit. hæred. c. 2: in collection. Pausian. I. p. 120.

tt) Finni Joh. I. p. 177 sq. Torfæus IV. p. 251. Münter Mag. I. p. 105.

uu) Ita v. c. Honorius III a. 1224 vetuerat, ne in judicium ferri candentis compellerentur neophyti Livonici vid. Mss. Bartholin. cfr. Daniam quod attinet, Rosenvinge de usu juramenti &c. dissert. §. 3 p. 30 not. h.

eandem probare cogeretur filium Haqvino, Sverrii filio, vere ortum esse *vv*). Quod si liquet ordalia ab a. 1250 silentio prorsus praetermitti in rebus Norvegicis *xx*), Guillelmum auctorem hujus moris abolendi fuisse admodum verisimile est *yy*).

Hactenus disputatum est de constitutionibus Bergensibus, quæ tantum celebratæ sunt. Episcopum Sabinum vero multa præterea instituisse et restituisse multasque lites composuisse facile creditur. Ut taceam rixas vere sordidas inter Dominicanos Bergenses et canonicos ejusdem urbis, quorum *domus privata* nares illorum infestarent, acerrime gestas, quas legatus tandem diremit *zz*), alia

vv) Torf. hist. Norv. IV. p. 131 cfr. p. 141 sq.

xx) Finni Joh. h. e. J. I. p. 180 not. a.

yy) Quod si constat, res magnò argumento est jura ecclesiastica illa, quæ in collectione Pausiana legibus Magni Lagabæteri Gulensibus et Heidsiviensibus annexa sunt, ætatis esse multo antiquioris, siquidem in iis adhuc de ordaliis mentio injiciatur (Collect. Paus. I. p. 233 c. 45 p. 301 c. 31.)

zz) Suhm Hist. X. p. 965-Pontopp. I. p. 662.

succurrit res majoris momenti propter effectus remotiores:

Cænobium Nidarholmense (in insula sinus Nidrosiensis, ubi arx hodie, quæ *Munkholm* audit, situm *aaa*) dolo et profusione Biörnnonis Abbatis fortunis provolutum ab archiepiscopo Nidrosiensi tum etiã male audivit; qui monachos faciebat reos, quod moribus essent parum honestis atque adeo regulæ Benedictinæ ignari. Quæ in secularibus perturbata erant, quoad fieri poterat, restituta sunt, in criminibus ecclesiasticis autem diluendis ad Guillelmum legatum provocarunt, qui tamen (nescio quæ de causa, nisi forte quod archiepiscopum Nidros. offendere nollet) causam fugiens monachos appellantes ad pontificem relegavit *bbb*). Cujus de consilio itaque Romam missi sunt, qui ab Innocentio IV veniam impetrarent arcessendi Mathæum Parisium, monachum Benedictinum e cænobio S. Albani in Anglia ad disciplinam monasterii sui instaurandam atque reformatandam. E petitione fratrum perspicuum est,

aa) Schiönnings og Suhms Forbedr. &c. p. 86

b) Münter Mag. I. p. 106. Torf. IV. c. 37.

quanti æstimarentur Benedicti Britannici e conventu S. Albani, Matthæus præsertim; qui vocatus ideoque in Norvegiam profectus rem prolapsam correxit *ccc*). Quæ quidem res nobis est ponderis majoris, quam intuenti statim judicetur. Hinc nimirum scriptori rerum ecclesiasticarum ingenuo et læcupleti, qui præsentis sermones Haqvini laudare posset, multa debentur derebus per hæc tempora in Norvegia gestis memoriâ digna, quæ, nisi arsisent inimicitia istæ et Matthæum vocassent, nos forte latuissent.

Rebus gravissimis ergo bene constitutis Guillelmus Sab. in Sveciam sese recipere decrevit, Stavangriæ nec non Asloæ et Tunsbergis aliquamdiu moratus Kongshellam se contulit, ubi synodum provincialem habebat *ddd*). Qua de re nil cæterum noscitur. Hoc unum in Mss. Bartholinianis repperi, eum capitulo Asloensi statuta jussisse.

Moris fuit utique inter legatos sedis apostolicæ, ut avidis oculis circumspicerent, quid

ccc) Hist. maj. (ed. Paris.) p. 506.

ddd) Mûnter Magaz. I. p. 107.

e laboribus mererent reportarentque *eee*). Nec
is sum, qui Guillelmum nostrum crimine avaritiae absolvere auderem; quem coarguat non solum iter per Angliam factum, sed etiam legationem Norvegicam, quantumvis aliis nominibus salutaris esset legationique decora. Johannes Tusculanus, qui a. 1286 in Svecia legati munereungebatur, 70 marcis argenteis contentus fuit *fff*). At Guillelmus Sabinus 500 marcas multaque dona pretiosa e Norvegia sibi ipse abstulit praeter XV millia marcarum, quas Haqvinus in mercedem coronae acceptae pontifici largiebatur *ggg*). Huc accedit, quod Guillelmus Sigurdus, qui a. 1230 archiepisco-

eee) Legas v. c. aspera crimina, quae Fredericus I, imperator, in legatos Hadriani IV injuriis et avaritia grassantes conjecit. Goldasti const. imper. I. p. 296.

fff) Lagerbring Sv. a. R. H. II. p. 733.

ggg) Pontopp. ann. I. p. 498. Rem in suspensio relinqvendam judicat Finus Johan. (h. e. I. p. 378 not. a.) infirmis tamen rationibus adductus, ut puto: I. neque enim erat hoc clero gratificari (quod quidem Haqvinus recusaverat) 2. nec egena, adeo Norvegia post annos triginta, quam Haqvinus Magnus ad imperium accesserat.

pus Nidrosiensis designatus erat, pallium tradidit. Qvod cum pluribus marcarum millibus quoque constare soleret *hhh*), manifestum est, quantis divitiis onustus legatus Norvegiæ egressus sit.

Legationem Guillelmi Norvegicam, si spectaverimus in universum, qvid commodi attulerit rei ecclesiasticæ ejusdem regni, hierarchiam ibidem potius conditam exhibuisse et juvasse, quam condidisse ipsam plane intelligitur. Hierarchia in Norvegia condita primos auctores habuit clerum ipsum aliosque legatos pontificios v. c. Nicolaum Breakspear. Quæ autem principes illi temporibus callide et diligenter inservientes patraverant, Guillelmus Sabæus in singulis emendare et perficere studebat; id quod, si verum fatebimur, optime ipsi cessit. Minus quidem ex sententia aut e mandatis saltem contrigit votis curiæ Romanæ civilibus satisfacere.

9.

Inter Svecos hierarchia nondum eminuerat, quantum inter vicinos. Hoc quidem

hhh) Cfr. Pontopp. ann. I. p. 500. De ritu pallii tradendi ejusdemque pondere con-

utrisque fuit commune, quod procul a Jove procul a fulmine aberant. Quod cum terra esset sub aquilone longinqua et ita comparata, ut ipsa natura societatem cum ceteris christianorum civitatibus quodammodo intercluderet, cumque ex imperio regionum dissitarum ac egenarum tenuiores Romam redundarent opes, facile factum est, ut diutius ibi maneret pristinus rerum ordo, neque pontifices, tametsi nova principia hierarchica novaque instituta ingerenda curarent, nisi tardius et per ambages quasi proficere possent. Uti respublica Norvegiæ motibus intestinis lacerata fuerat, ita Svecia per sæculum fere factionibus et bellis Svercheridarum et Ericidarum de rerum summa certantium oppressa erat. Sed clerus Sveciæ tanta arte ad tempora sese accommodare opportunitateque uti nesciebat, quanta clerus Norvegiæ. Svercherus, Caroli filius, homines ecclesiasticos iudiciis civilibus exemit, immunitatemque domibus agrisque ecclesiæ concessit a); et Jo-

Cramer Fortsetz. von Bossuet. III., p. 653 sq.

) Rühls Gesch. Schwed. I. p. 161.

hannes, Svercheri filius, privilegia clero a patre impetrata sanxit *b*). At nullo tamen Magno Erlingi nulloque Augustino hierarchia in Svecia stabilienda et consummanda gavisus est. Papa, cum nimis sibi deesse viderentur clerici, opportunitatibus rerum licet adjuti, cumque obsunderent, nec ea, quæ monebantur, audirent. Guillelmum negotiis Norvegicis perfunctum in Sveciam ire jussit Svecisque legatum sedis apostolicæ commendavit *c*), eo tempore, quo Erico Blaso, quem Honorius III a. 1225 in fidem et tutelam receperat *d*), cum factionibus intestinis etiamnum erat luctandum. Rebus tam secundis quam strenue se gesserit Guillelmus, quamque bene cesserint negotia, sequens narratio docebit.

Schenningiam, urbem Ostrgothiæ illis temporibus primariam *e*), ubi per totam fe-

b) Dalin Gesch. II. p. 150. Baaz. invent. eccles. Sveog. p. 121.

c) Suhm Hist. X. p. 73.

d) Dalin l. c.

e) In ea urbe vigeat tum conventus Dominicanorum inclytus cum studio generali, cujus antistes ea ætate clarissimus laudatur Petrus

re legationem hanc commorabatur, Guillelmus a. 1247 jam pervenerat; exstant nimirum litteræ non. Decembr. a. 1247 Scheuningia datæ, quibus indulgentiæ viginti dierum illis conceduntur, qui concionibus confessionibusque Dominicanorum assidue interessent *f*). Prædicatores decennio post ordinem conditum tantum non elapso in septemtrionem serpsissent *g*). Plures fuerunt causæ, cur iste ordo in hierarchia papali promovenda tanti haberetur, inter quas ultimo loco non nominandum ipsum paupertatis votum et odium, quo propter læsa antistitum monachorumque jura prædicatores initio premebantur. Privilegium illud confessiones ubicunque audiendi, quo fratrum opes Gregorius IX magnopere auxerat, Innocentius IV a. 1244 in Svecia iisdem permisit unacum usu altarium portatiliam *h*).

de Dacia cfr. Tuneld Geogr. öfwer Swerr. II. p. 55. Johan. Müller allgem. Geschicht. II. p. 296. Pontoppidani Vestig. Dan. extra Dan. p. 381.

f) Bullar. Celsii p. 69 nr. 12:

g) Pontopp. annal. I. p. 635.

h) Bullar. Celsii p. 68 nr. 4. cfr. Glossar. Du Fresne sub voc. altare.

Sicuti novo cuique instituto, tali præsertim, qualis ordo prædicatorum, qui operam et pretium sacerdotum coram plebe haud parum imminuebat, adminiculis profecto ac stabilimine opus erat. Quam ad rem suppeditandam Guillelmus eo procliviori et liberaliori animo ferebatur, quod in illustri conventu Dominicanorum Schenningensium versabatur. Mirum omnino non Guillelmum nostrum, militem Christi acerrimum, *Militiam Jesu Christi*, cui S. Dominicus nomen dederat, admasse †).

Legatus, in indulgentiis spargendis, ubi sacrum aliquod institutum juvandum esset, omnino non parcus, *carenam i*) iis largitus est, qui festo assumptionis b. Mariæ sequentibusque diebus sex nec non die dedicationis templi ædem S. Mariæ Sichrunensem visum irent *k*). His enim diebus nemo templum adiit, quin

†) Cfr. hujus comment. p. IO. Henke Kirchen-gesch. (ed. 4) II. p. 288.

i) 3: Indulgentias quadraginta dierum v. Glossar. Du Fresn.

k) D. Non. Dec. a. 1247 Celsii bullar. p. 69 nr. II.

larga dona conferret †). Eodem modo liberaliter donantes indulgentiis ornans compluribus canobiis subvenire cogitavit ‡). Decreto (d. XIII cal. Jan. a. 1247) ædi metropolitane Lincopiensi amplificandæ decimam largitus est partem decimarum quartæ, quæ ad templa dioceseos reparanda impendi solebat §). Neq̃ quisquam utiq̃e meliori cum fructu quam Laurentius, qui tum dioecesi Lincopiensi præerat ||), legato præsentis usus est.

Celsius o) præterea multitudinem nobis prodidit litterarum Guillelmi Sab., quibus hæreditates confirmantur et privilegia, decimæq̃e et dona v. c. copia librorum, quos Thomas, episcopus Aboæ, bibliothecæ Dominicanorum Sichtunensium dono dederat. Quæ omnia diem concilio Schenningensi superiorem habent adscriptum, docentq̃e, quam

†) Henke II. p. 28. "Tandem clara dies Reginæ assumptio cælis Regiparentis ades!"

‡) Bullar. Celsii p. 70-73.

§) Rhytzellii episcoposcop. I. p. 96 cfr. dissert. nostræ p. 130 sq.

||) Benzellii monum. eccles. p. 119 cfr. Dalin II. p. 119.

o) Bullar. Syeog. p. 69.

late quin ad res minutissimas extenderetur potestas legatorum sedis apostolicæ.

Guillelmus post multas transactiones eandem rem perduxit, ut factiones adversariæ, quibus respublica Sveciæ laborabat, cum rege in gratiam ultro redirent, ut ex iis verbis, quibus constitutionibus Scherningensibus præfatur, videre licet. Quo facto animum advertit ad rem ecclesiasticam in melius emendandam, ubi mente hierarchica haud modice imbutus regnum "*mirabiliter et miserabiliter conturbatum esse*" exclamavit. Quocirca synodum celeberrimam illam Schenningiam convocavit.

Rex ipse, testè Johanne Magno *p*), huic concilio non interfuit, sed ejusdem loco dux, "per quem, ut verbis utar ipsius Guillelmi, fere tota illa terra regeretur," quemque plerique Birgerum dicunt *q*). Cum duce conveniunt magna cohors legiferorum et procerum. A

p) Histor. Sveog. l. XIX c. 15.

q) At Lagerbring (Swea. R. Hist. II. p. 355) dubius hæret, nonne potius intelligendus sit Ulfus Dux, qui auctore Sturlopida nondum decessisset.

parribus cleri pręsto fuere Jarlerius, archiepiscopus Upsaliensis, qui ab anno 1234 ecclesię Svecię pręfectus erat r), simul cum quinque suffraganeis ejusdem. Cętrum est quidem archiepiscopum Lundensem a synodo Schenningensi abfuisse, sed ad primatum Lundensem, quem pręsul ille in Svecia sęmper sibi vindicare veller, justum respectum habitum esse æque in confessó est, siquidem ipsi per litteras papales a. 1250 mandatum, ut statuta concilii Schenningensis exeqvenda curaret, ac in aliter sentientes refractariosque animadverteret s).

Anteqvam ad acta concilii Schenningensis commemoranda accessero, brevibus observandum duco, quęm diversi sint auctores in constituendo nomine et tempore synodi nationalis, quę in septemtrione catholico facile celeberrima est. Messenius t) nonnullos monet narrare, Guillelmum Sabinum, Sveciam pe-

r) Benzeli monum. eccles. S. p. 38.

s) Neumann hist. primatus Lundensis p. 101.

• Offo (Uffo), prędecessor Jacobi Erlandi, tum pallio archiep. Lund. ornatus erat.

t) Scand. illustr. XIII. p. 69.

tiisse a. 1226, a. alios 1240, alios a. 1242, alios denique a. 1248 vel 1250 vel 1262. Ipse ad a. 1248 accedit, quamquam aliis locis concilium ad a. 1240 referre viderur *u)*. Baazius *v)* etiam, Spegelius *x)* et Loccenius *y)* synodum Schenningensem a. 1240 habita tam esse auctoritate sua tuentur. Quem in errorem incurrit quoque Finus Johanneus noster *z)*, qui concilium nominat Schettingense et Guillelmum Sab. ex Norvegia in curiam reversum esse affirmat. Raynaldus *aa)* praeterea, scriptor alias accuratissimus, a veritate eo digreditur, ut ex Olao Magno hunc locum allegare non recuset: "denique *hoc tempore* (a. 1235 nimirum) episcopus *Sabinensis* in *Danorum* regiones ad obsolescentes christianorum mores emendandos a *Gregorio* legatus missus

u) Scond. ill. XII. p. 117; chron. ep. p. 165.

v) Inventar. eccles. Sveog. p. 144.

x) Kyrkiohist. II. p. 92.

y) Histor. rer. Svec. p. 87.

z) Hist. eccles. Island. I. p. 233.

aa) Annal. eccles. (ed. Lucae 1747) II. p. 126.

Melius sibi constat Harduinus: Concil. VII. p. 423.

est, ac synodus *Scherungensis* celebrata... Eo autem loco, quo synodus proprie erat collocanda a Raynaldo prætermittitur, quamvis de periculo, quo legatus electionem episcoporum a rege ad capitula transferre sustinuit, suo loco fit mentio *bb*). Observandum quippe Raynaldum regesto epistolarum papalium maxime usum esse, sed in confirmatione statuti de canonicis, quam edidit Innocentius IV, synodum Schenningensem non commemorari. Inde quod auctores in tempore huius concilii constituendo inter annum 1240 et a. 1248 maxime fluctuant, intelligitur, quæ Guillelmum a. 1240 cælibatum ecclesiasticum in Svecia instituisse Hvitfeldius, ut supra monuimus, perperam tradere potuerit, et tamen de synodo Schenningensi mentionem injicere. Itaque in historia errores nascuntur crescunt, propagantur, nisi facit critices accuratioris res gestæ in divum rapiuntur!

Incunte mense Martio a. 1248 notæ illæ constitutiones Schenningenses, quæ jam exponuntur, promulgatæ sunt *cc*).

bb) *ibid.* p. 431.

cc) *Vid. Celsii bullar. p. 70. - Acta synodi, at*

Calibatum ecclesiasticum, qui enatus ex ingenio sæculi pietate severa insignis consiliis imperii immoderati serviverat perinde ac sexcentæ superstitiones aliæ, pontifices clero invito et recusanti obtrudere jam dudum conabantur. E tribus regnis aqyilonis in Svecia minime ex votis rem gesserant. Pericula, quæ a. 1121 jam et 1140 facta sunt *dd*), in irritum adeo ceciderunt, ut Guillelmus sacerdotum plurimos sacerdotibus natos esse vel cum uxoribus vel cum pellicibus consuetudinem junxisse reperiret. Qvin Valerius, ipse archiepiscopus Upsaliæ († 1219), filius fuit sa-

alios taceam, apud Münsterum (Mag. I. p. 192 sqq.) exstant. Vir de historia ecclesiastica Scandinaviæ meritissimus, etsi expositionem hujus concilii succinctam, sed argumentosam nobis tradidit; attamen legationes Guillelmi ad finem persequuturus et observationes aliquot uberiores historiæ concilii celeberrimi additurum me sperans, acta quasi agere non nolui. Georgii dissertatio de concilio Schenningensi (Upsaliæ 1761) brevitate et jejunitate nimis laborat.

dd) Münster Mag. I. p. 184.

cerdoris *ee*). Cujus contumaciæ causam Andreas Sunonis, archiepiscopus Lundensis atque primas Sveciæ, per litteras ad Innocentium III missas hanc affert: "quod nulla ecclesia in mundi partibus constituta tantum propter insolentiam populi jugo servitutis subjaceat *ff*). Nescio an his verbis Andreæ loco interpretamenti subjungere liceat et allegare tumultus rusticorum Scanensium *gg*), qui a. 1186 enixe postularent, ut sacerdotes missis edictis pontificum matrimonia inirent. Celibatum autem inter ecclesiasticos usu venire ad hierarchiam stabiliendam tanti momenti habebatur, ut primum Guillelmi et præcipuum decretum in concilio Schenningensi ad institutum hocce præcipiendum pertineret, quantumvis ecclesiastici reniterentur *hh*). Ipsa Guillelmi vox præ se fert, cur pontifices legem celibatus necessario injungendam cen-

ee) Rühls Gesch. Schwed. I. p. 170; cfr. Lagerbring. II. p. 423.

ff) Münter von Celibat u. Priesterehe in Nord. Beiträge zur Kircheng. p. 34.

gg) Pontoppid. annal. I. p. 465.

hh) Bütz, invent. eccles. S. p. 135.

serent. Queritur nimirum, "quod sacerdotes uxoribus juncti nullam curam haberent animarum." Ista videlicet causa subdita, quod vincula temporalia a negotiis spiritualibus justo plus abstraherent, sed vera, quod eo factum est, ut ecclesia sui juris nulloque dominio sive interno sive externo non exempta Christo soli nuberet vel ejusdem vicario, pontifici Romano. Alterum vero consilium, cur papa clericos cælibes esse vellet, non tam ad rationes, quæ inter rempublicam atque ecclesiam pontificiam intercedere debebant, quam ad sortem ipsius cleri spectabat; quò nempe bona ecclesiæ in unum congesta manerent. Id quod Guillelmus ipse indicat arguens, quod liberi et propinqui sacerdotum hæreditatem acciperent. Unde difficultates iterum in vitam cælibem colendam reciderunt, cum distarent sacerdotes contumaces, bonis ecclesiæ sic dissipatis sine societate et auxilio conjugum sese perstare non posse. Olaus Petri, qui clericorum primus tempore reformationis in Svecia ducebat uxorem, cum ea de causa ab Johanne Braschio coram rege deferretur, Braschius hanc in primis jecit causam, quod,

si Olao in posterum liberi gignerentur, incertum foret, quomodo bona relicta disponderentur, nec detrimenta caperet ecclesia.

i. Guillelmus Sab. igitur in consessu patrum eo rem perduxit, ut uxores et pellices sacerdotum anathemate percellerentur, nisi intra spatium anni a maritis discederent suasque res sibi haberent. Est vero notandum inprimis mulieres maxime reas judicari, ecclesiasticos autem non nisi criminis socios. Ita in Anglia quoque concubinæ clericorum pœnas dederunt publicæ sepulturæ expertes ii). Guillelmus enim mulieres sic facillime a matrimoniis cum clero jungendis deterreri nullus dubitavit. Attamen sacerdotes quinquaginta annos natos mulieresque permittenti episcopo conjunctos manere passus est, dummodo sub eodem lecto simul non dormirent. Sed postmodum clericis obstinate resistentibus pœnam excommunicationis jacturamque munerum et privilegiõrum a Guillelmo intemperatam esse kk) et decreto huic Schenningensi

ii) Matthæi Paris. hist. maj. p. 124 ad a. 1225; p. 305 ad a. 1237.

kk) Johan. Magni hist. Sveog. l. XIX. c. 15.

adjunctam, inde constat omnino, quod a. 1252, cum sepulcrum Guillelmum jam haberet, Innocentius IV episcopo Lincopiensi veniam dedit de clericis concubinariis dispensandi et statuto domini Sabini ligatos absolvendi *ll*). Qvin etiam archiepiscopus Upsaliensis iis, quas nimia Guillelmi severitas excitaverat, turbis commotus a. 1258 ab Alexandro IV impetravit, ut ecclesiasticos concubinos, qui essent excommunicandi, liberare sibi liceret, ea tamen conditione, ut munera ecclesiastica retinentes poenitentiam convenientem agerent, dum pellices repudiare nec iterum reducere fidem darent *mm*). Qvam mitigationem Guido legatus sedis apostolicæ a. 1266 redintegravit *nn*). Comminationes autem Guillelmi supra dictas post concilium Schenningense consequutas esse nobis persvasum est e decreto XV ejusdem concilii, ubi dioecesanis absolvere permittitur, si quis in excommunicationes et interdicta concilii incurreret. Qvòd si juxta statuta Schenningen-

ll) Celsij bullar. p. 75.

mm) *ibid.* p. 78.

nn) *ibid.* p. 83. cfr. Lagerbring. II. p. 736.

175
sia ipsa excommunicatione percellerentur quoque sacerdotes concubinari, quid erat, cur archiepiscopus Upsaliae et episcopus Lincopie veniam absolvendi a pontifice peterent.

Tantum licet detraheretur severitati illius decreti Guillelmi, quod, ut hoc utar, multum abhorrebat a mandato Gregorii IX, quo sacerdotibus Norvegicis in futurum matrimoniis interdictum erat, verum illis non, qui hactenus duxerant eo; facile tamen ad intelligendum clericos nihilominus conjugium sive concubinatum manifestum in occultum deterioremque duntaxat esse mutatu- ros. Scortationi nimirum erat venia, dummodo nulli agnoscerentur heredes necessarii, quos legitimæ nuptiæ demonstrarent. pp). Quare Guillelmus Sab. decimo decreto synodali pavit, ne quis clericorum filium agnosceret intra annum nasciturum, "cum ille demum debeat recognosci; secundum quod iura dicunt, quem legitimæ demonstrant nuptiæ. Decreta, quæ sequuntur eundem redolent sensum.

oo) Pontopp. ann. I. p. 504.

pp) J. Wilde hist. pragmat. p. 370.

3. Guillelmus distingvit inter eas facultates, quæ ex hæreditatibus donisque et aliis viis sacerdoti privatim æcreverant, atque bona ipsius ecclesiæ; quorum illas testamento cuilibet legare possessori liceret †), hæc vero in detrimentum ecclesiæ ullo modo emancipari nequirent. Sin autem sacerdos intestatus obiret, liberos ante natos aut intra exitum anni nascituros cognatosque ab hæreditate accipienda haud esse prohibendos Guillelmus certe quidem ratus est, sed mortaliter peccare, furtumque et rapinam committere, quod Deo non posset non displicere, quicumque ex relictis sacerdotum bonis aliquid usurparent. Liberos etiam, qui post spatium ab ipso constitutum ederentur, si hæreditatem patris ecclesiastici adirent, excommunicari iussit. Privilegium hæredes in testamento scribendi, quod clerus interea retinuerat, synodo Sudercopiensi a. 1441 denuo sancitum fertur qq). Cæterum fructus edicti Guillelmi attendant fortasse conferentes legg. W. Goth.

†) Bona hæreditaria monasteriis potissimum relinqui voluit. Celsii bullar. p. 73. nr. 24.

qq) Baaz. invent. eccles. Sveog. p. 135; cfr. p. 125.

jur. eccles. c. 29, jur. hæred. c. 14 cum legg.
O. Gorhici de vendit. pecul. c. 20.

3. Durissimæ cum essent leges, quas clericis ponebat Guillelmus, necesse quidem, ut ab altera parte iisdem objicerentur illecebæ, quibus in oblivionem adducerentur humanitatis ac conditionis, quam natura alta voce flagitat. Unde factum, ut ii, qui sequuntur, canones hoc modo conscripti sint, ut, dum gravibus ecclesiæ vitiis medeantur, speciem præ se ferant, tanquam clero Sveciæ inferiori, dummodo vincula civilia quævis plane frangi pateretur, commoda damnis æqua conciliarent. Guillelmus itaque quarto decreto synodali defixit anathemate, quicumque corporibus et bonis clericorum ("quotquot nimirum absque uxoribus et pellicibus publicis seu cohabitantibus voluerint permanere,") atque fratrum prædicatorum vim inferrent, exceptis tamen (quod mireris!) rege ac duce. Interpretatio, quam Georgius huic loco subjicit, respiciens ad jus hospitalitatis clero hisce temporibus molestissimæ mihi quidem valde dura

et coacta videtur *rr*). Rerum ordinem, qualis tum erat in Svecia, solummodo cogitare opus est, quo necessitas edicti huiusmodi intelligatur. Leges quippe mancae per se et imperfectae propter jus fortioris, quod inter morum civiles nimis invaluerat, vi necessaria destitutae erant. Nec mirum omnino Sveciae populum tot tantaque privilegia a regibus, Svercheridis nominatim, clero concessa moleste tulisse et eripere studuisse. Quocirca Innocentius III a. 1216 iam regi Sveciae scripserat, "ut vexatores libertatis ecclesiasticae in viros ecclesiasticos damnabilem insolentiam exercentes, cum domos eorum incendant, et tam in personis quam in rebus molestant graviter et affligant, non tam spirituali quam materiali gladio coerceret." *ss*). Quod contra ecclesiae invasores Guillelmus decreverat et Alexander IV confirmarat a. 1259, Guido, legatus sedis apostolicae, archiepiscopo Upsaliensi et episcopo Lincopiensi post a. 1266 remittendum mandavit *tt*).

rr) Georgii dissertat. de concilio Schen. p. 18.

ss) J. Wilde hist. pragm. p. 356 sq.

tt) Celsii hull. p. 80 & 83 cfr. Messenii Scand. ill. II. p. 39 & 43. XII. p. 118.

4. Canonum Schenningensium quintus, sextus et septimus eodem redeunt, quo de constitutionibus Bergensibus una, qua episcopi ecclesiam avarius visitantes notantur et cohibentur, uti antea factum erat in regionibus transfretanis *uu*). Veruit Guillelmus, ne praesules ecclesias dioeceseos inspectum euntes quicquam exigèrent praeter solam procurationem *vv*); quæ quidem legibus constitueretur necesse *xx*). Proeurationem verò in summam

uu) V. c. Cypræi annal. episcop. Slesyicens. II, c. 3.

vv) I. e. viaticum visitantis; vid. Du Fresn. sub voc. c.

xx) Exemplum afferre liceat ex historia terræ propinquæ. Innocentius III hæc scribit: "Querelam accepimus, quod, cum olim archidiaconus Richmondiæ parochiam suam visitationis gratia circumiret, cum centum equis minus tribus, viginti canibus et uno, tribus avibus venatoriis ad quandam ecclesiam accedens tantum dominum istam sumptu immoderato gravaret, quod hora brevi dicitur consumsisse, quod toti familiæ longo tempore suffecisset. Nos igitur cohibentes, ne quis vestrum de cætero, cum parochiam suam visitet, in procurationum exaltatione seu modis aliis, præterquam Lateranensis concilii statuta permittunt, ecclesias seu clericos gra-

pecuniæ converti permissum. Inhibuit præterea marescaldum, senescaldum, et qui erant cæteri episcoporum ministri, ne quid præter sola victualia ad procuracionem pertinentia acciperent, constituitque, quos atque quot comites episcopo fas esset secum trahere, atque quanti in singulis locis procuracionem redimere sacerdoti liceret. Quod ut exacte præstiteret legatus, vita calebs, quam sacerdotes in posterum inituri erant, variis rationibus forte svasit.

Si quando in ecclesia parochiali episcopus missam audiret aut celebraret, Guillelmus edixit, ut capellano veniret, quicquid episcopus ipse comitesve afferrent, sacerdoti autem, quicquid parochiani tribuerent. Sacerdotibus præterea cavit, ne redditus ipsis imminuerentur, præcipiens ut, si episcopus ecclesiam interdicto percelleret, indeque multas auferret piaculares, sacerdoti reparandum esset damnum, quo in redditibus suis afficeretur (decret. VIII.)

vare præsumat;.. v. Monast. Angl. II. p. 165.
cfr. Finni Joh. hist. eccl. Isl. I. p. 234 not. b.

5. Constitutiones, quæ sequuntur XI - XVI, propius ad episcopos ipsos spectant.

Guillelmus supplicium excommunicationis semper minitatus interdixit episcopis, ne quem clericum facerent exactorem suum *yy*); sed exactores e laicis eligendi fide data manumque in sanctum evangelium imposita obstringerentur, ut bona fide sine ulla fraude munus obirent, viderentque, ne, siquidem laici essent, in causis matrimonialibus cæterisque, quæ ad forum ecclesiasticum pertinerent, iudicia ferre auderent.

In procurationibus sibimetipsi tribuendis ita rem ordinavit, ut episcopi e thesauris suis tertiam partem erogarent, ecclesiæ vero, prouti cuique facultates suppetere, duas procurationum partes simul penderent. Nec in Svecia igitur Guillelmus sibi defuit, quin rebus suis consuleret. Ægre alias intelligitur, quid sibi velit decretum istud minutum inter res tanti momenti in consessu patrum sacro transacta.

yy) Quod vocabulum sensu multo latiori venit, quam solitum vid. glossar. du Fresne sub voc. exactor.

Inter statuta concilii Schenningensis gravissima decimum tertium æstimandum est, quo archiepiscopo ejusdemque suffraganeis injungitur, ut intra annum sibi compararent librum decretalium, qualem Gregorius IX edendum curasset, ac diligenter perlegerent. Quod si negligerent, pœna interdicti maneret ipsos. Gregorius IX enim per Raymundum de Pennaforti decretum Gratiani compilari et emendationibus accessionibusque augeri jussit; cui editioni Innocentius IV additamenta quædam annectebat zz). In Svecia uti fieri assolet, instituta vetera residebant, nec erat, cur exolescerent novisque cederent, nisi externa vis et auctoritas urgeret. Cum decretalium maxime esset res ecclesiasticas in ordinem et concordiam redigere, cumque summam pontificis auctoritatem judicalem divinitus profectam ostentarent, Guillelmi Sabini plurimum retulit, ut manibus tenerentur et cordi subicerentur. At non solum potestas legati, pœnaque ecclesiæ et propria commoda

zz) Pertsch. *Histor. des canonisch. Rechts* p. 268-307; cfr. Ciacconii *gesta pontif. et card.* p. 557.

eo rem perduxerunt, ut episcopi decretales Gregorianos amplecterentur, sed etiam respectus, quem in statutis synodi Schenningensis componendis ad eosdem expresse habitum Münsterus exemplis collatis probavit *aaa*), effecit omnino, ut episcopi diligentius quam ante juri canonico vacarent. Atamen nos non præterit, Guillelmum decretales hosce jubere non adeo ausum esse, sed episcoporum supellectili tantummodo obrusisse. Re vera factum est, ut jus canonicum post concilium Schenningense in Svecia constitueretur *bbb*).

Ne bona ecclesiæ dissiparentur et immingerentur veritus episcopus Sabinus in corona parrum ultimo loco interdixit, ne archiepiscopus et suffraganei decimas ecclesiæ parochialis laico concederent, minisque excommunicationis et muneris adiuvendi sancivit *ccc*).

Hæc erat historia concilii celeberrimi brevibus enarrata, ejus acta Guillelmus per

aaa) Magaz. I. p. 194.

bbb) Lagerbring. II. p. 758.

ccc) Eodem modo Arcemboldus, famosus ille legatus sed. ap. in comitiis Arbogensibus vetuit, ne laici ad decimas ecclesiasticorum accederent v. Münster Mag. I. p. 309.

archiepiscopum Upsaliensem ceterosque episcopos quotannis promulgari iussit.

IO.

Constitutiones Schenningenses tantam quod in vulgus erant editæ, cum jam exercitæ videntur. D. VI non. Mart. a. 1248 Guillelmus Sab. episcopo Lincopiensi adjudicavit villam Liungby, quam Abrahamus Roerii injuste invasisset et retinuisset *a*); terminosque inter dioecesin Lincopiensem et Wexionensem accuratius constituit *b*). Litteræ Guillelmi de stipe in monachos Novavallenses conferenda datæ in castris regis pridie non. Mart. a. 1248 *c*) in eam opinionem me adducunt, Guillelmum ad regem Sveciæ tum esse profectum, ut inde confirmationem regiam statutorum concilii Schenningensis impetraret.

Jam erit mentio de re, qua Guillelmus munere legati apostolici in Svecia ornatus nullam gesserit clariorem et pontifici exopta-

a) Cfr. art. IV. statut. Schenning.

b) Celsii bullar. p. 72 nr. 20.

c) Ibid. nr. 21.

tiorem; quamque, cum in manifesto non sit, utrum concilium Schenningense tempore antecesserit necne, ad hunc locum reposui. Episcopis Sveciæ nimirum per populum et clerum electis reges olim dignitatem confirmaverant *annulum* et *baculum* tradendo investientes *d*). Cujusmodi jus investiendi artibus hierarcharum multo ante (a. 1122 per concordatum Wormatiense) inapertori regibusque abrogatum Alexander III a. 1160 jam notavisse dicitur inter vitia ecclesiæ Svecicæ pernicioſa, quæ ab ætate S. Sigfridi et Eschilli

-
- d*) Locum hac in re memoratu dignissimum eſt legg. W. Gothicis (kon. B. II. fluk.) subjiciam: En Biscop skal takä, tha skal Konnongh all ända ath spyrja, huru the viljä havä. Han skal Bondä sun (scilicet hominis honoratioris propriique fundi possessoris) varä, tha skal Konungr. hanum *Sraf* (signum seneſtæ munerisque pastoritii) i Hand sättje och *Gullfingrini* (signum arcti vinculi, quo ecclesiæ jungitur episcopus), sidan skal han i Kirku bidhä och i Biscopstol sättje, tha er fulkommen til walder utan vixli (excepta consecratione).

inde in posteros essent transfusa e). **Honorius III**, per litteras ad **Johannem Syercheridam** de jure hoc sibi demto licet conqvestus, f) invitus etiam passus est, ut **Olaus Basatœmir**, archiepiscopus Upsaliensis, († a. 1234) a populo, clero et rege solito modo crearetur g). Episcopus Lincopiensis morem pontifici gerendo ceteros episcopos antevertens a. 1232 a **Gregorio IX** veniam sibi impetaverat canonicos eligendi, confirmationemque instituti ab **Innocentio IV** a. 1245 nactus benevolentiam curiæ Romanæ ita captaverat, ut coram papa qvestus, quod facultates deficerent ad ædem suam metropolitanam extruendam, litteras acciperet, quibus ceteri clerici stipe coacta sibi subvenire juberentur h).

e) Baaz. invent. eccl. S. p. 140. **Celsius**, (bullar. p. 57) probat Baazium **Innocentio III** litteras commonitorias ejusdem argumenti ecclesiæ Svecanæ scriptas tribuentem errare.

f) **Celsii** bull. p. 57.

g) **Vastovii** vit. aquil. p. 174.

h) **Wilde** hist. pragm. p. 364. **Georgii** dissert. p. 15 not; cfr. supra comment. nostræ p. 110.

At tamen longo temporis spatio intermisso episcopus Lincopiensis decimis melius distributis tum primum eo pervenit, ut canonicos suos, qui parochos agendo hucusque ruri degerant, in collegium convocare posset. Eadem ratione sese habuit capitulum Upsaliense, quod rege Erico Blaso institutum fertur ⁱ⁾. Rem tamen primum ope Guillelmi Sab. in ordinem et modum canonicum digestum esse jure contenditur. Quamvis enim ad nostram ætatem non pervenerit decretum, quo Guillelmus capitula Svecica ordinasse dicitur, superest nihilominus bulla Innocenti IV ^{k)} confirmatoria d. a. 1250. Unde cernitur, Guillelmum, legatum sedis apostolicæ in partibus Sveciæ, ut pravam hujus terræ consuetudinem inveteratam tolleret (illam nimirum, quod ecclesiis cathedralibus non præficerentur, nisi quos in eis institui vel destitui potius per seculares potestates, potentiam scilicet regis et baronum nec non et ad clamorem populi tumultuantis, contra sacrorum statuta

i) Schefferi Upsal. p. 286.

k) Quæ apud Münterum (Mag. I. p. 128) typis exscripta legitur.

canonum contingebat,) consulte præcepisse, ut ad unamquamque ecclesiam cathedralem, ubi nondum essent capitula instituta, unus haberetur prælatus idoneus et ad minimum quinque canonici. Qvòd Guillelmi jussum Innocentius IV petente clero Sveciæ hoc modo sanxit: *α.* ut nullus episcopus nisi in capitulo rite electus censeretur, *β.* reditusque episcopi successuri incolumes servarentur, *γ.* neque "præsules juramento homagii vel fidelitatis sæcularibus personis obstringi se paterentur, cum regi et baronibus pro regalium et feudorum receptione nullatenus sint obnoxii. Id qvòd, ut facile patet, regibus perquam invitis effectum esset¹⁾. Olim qvippe principes annulo et baculo rite traditis episcopos vasallos nuncuparunt ac beneficiarios. Obstaculis civilibus sic demum remotis moles hierarchica in media republica alta stare cæpit, eidemque ruinam minari.

Erius rex et Jarlerius archiepiscopus Upsaliæ constitutiones exsequuturi hoc Guillelmi mandatum etiam perficere tentarunt collegium

¹⁾ Cfr. statuta concilii Othiniensis quinquennio ante. Pontoppid. ann. I. p. 657 sq.

canonicorum Upsaliensium justiori ordine instituentes *m*), ut canonici large liberaliterque donati ad ædem metropolitanam simul agerent. Præpositura, archidiaconatus tresque canonicatus cura regis et archiepiscopi sunt conditi *n*). Qui numerus tamen, cum edicto Guillelmiano plane consentaneus non esset, postmodum auctus est *o*). Res autem aliis in locis, ubi ad canonicatus instituendos donandosque opes non suppeditaarent, difficilius perfecta videtur, quippe cum Alexander IV a. 1258 archiepiscopum Upsaliensem commonefaceret, ut decreto Innocentii IV morem gereret *p*). Quem admodum alibi, ita inter Svecos capitula occasione, cum vacarant episcopatus, uti callebant, quo ab episcopo sufficiendo privilegia sua et commoda confirmata et aucta obtinerent. Itaque factum, ut canonici potestate, opibus,

m) Benzeli monum. p. 38 & 198. sqq. cfr. Wilde hist. pr. p. 360 sqq. "Collegium canonicorum sæcularium institutum; olim fuit monachorum. Chron. archiep. Upsal. ed. Schefferus p. 19.

n) Messenii Scond. ill. II. 35.

o) Schefferi Upsal. p. 286.

p) Celsii bullar. p. 78.

sed luxuria quoque in dies crescerent *q*). Neque mirum adeo pontificem et Guillelmum huic rei, quæ in civitate ecclesiastica construenda fundamentum putaretur gravissimum, tantam dedisse operam, sed difficilius foret intellectu, quidni vulgus neque rex ipse ab instituto sibi tam molesto magis abhorrerent et reniterentur, nisi iuste observaretur, quantopere internus regni status consiliis papæ et Guillelmi conveniret.

Sunt, qui dicant superstitionem et usum ordaliorum per Guillelmum Sabinum in Sveicia sublatum esse *r*). Cujus rei indicia equidem nulla repperi, certius vero in legibus W. Gothicis et Helsingicis quin ad ætatem Birgeri ducis usque vestigia ordaliorum exstare, licet Alexander III jam pridem a. 1163 probationes per ferrum candens, aquam ferventem et duellum in ea regione abrogatas voluisset *s*).

q) Exempla apud Wildium (hist. pragm. p. 372 sqq.) exstant. De capitulationibus cfr. Henke Kirchengesch. II. p. 160.

r) Stiernhöök de jure Sveog. vet. p. 95 & 127.

s) Finni Joh. hist. eccl. Island. I. p. 180 not. Celsii bull. p. 40 nr. 13 & not. Förs

Si vel crediderimus studium, quod Guillelmus gestationi ferri in Norvegia abolendæ impenderit, auctori supra commemorato eam subjecisse opinionem, quod legatus idem inter Svecos eodem modo in superstitionem grassatus sit; non est tamen negandum consuetudinem illam quodammodo saltem ope Guillelmi antiquatam esse. Namque res Sveciæ turbatas multis nominibus restituit ille composuitque, et incolis jus canonicum pro virili parte commendavit. Itaque sensim ordalia de foro recederent, necesse, quoniam multo æquius et tutius refugeretur ad sententiam legum ecclesiasticarum, in quibus iudicium Dei cum humanitate proficienti convenientius audiretur. Qvis demum infitias iverit hierarchiam ad fæda superstitionis vincula frangenda multam vim habuisse?

Nunc in eo sumus, ut novissima Guillelmi vestigia indagemus, non tam rei ipsius causa quam eo consilio, ut nobis constet, quan-

etiam similia Guillelmi conamina in ferro cudenti et duello inter Livones abolendis (Gadebusch. I. I p. 189 not.) ad opinionem hanc adduxerunt.

do Sveciam reliquerit. Mense Junio a. 1248 Guillelmus in Gothlandia, ubi, quæ olim de ecclesia S. Jacobi Wisbyensi constituerat, litteris denuo confirmavit f). Controversias super eadem causa in rem episcopi Lincopiensis (Livoniensis?) dijudicatas esse magnamque legarum operam dedisse, ut mores ecclesiasticorum in insula emendaret, Messenius auctor est g). Novissimum monumentum Guillelmi, quod nostram tulit ætatem, litteræ sunt VI cal. Aug. a. 1248 datæ, quibus indulgentiis impertiuntur, quicunque nosocomio leprosorum Lundensi donis subvenirent h). Sed postea de Guillelmo plane silent res Svecicæ, nobisque silentium persvadet eum non ita multo post discessisse, ut in Germaniam redux sollemnibus inaugurationis Guillelmi comitis Hollandiæ nov. 1248 Aquisgrani peragendis

z) Wallin Gothl. Saml. p. 242. Litteræ Guillelmi reperiuntur in Diplom. Langeb. mss. cfr. comm. nostræ p. 20.

u) Messenii Scand. ill. II. p. 35.

v) Habetur hujus epist. vidimus in diplom. Langeb. mss. cfr. Bring Handling. III. p. 200.

interesset, uti supra jam temporum rationem constituendam esse arbitrati sumus.

Reliquum est, ut res a Guillelmo card. Sab. in Svecia gestas paucis recolamus et consideremus. Si quod in vita legationibusque viri momentum est; quod dexteritatem ejus et prudentiam et constantiam in rebus hierarchiæ promovendis eximie prædicet, laudentur profecto facinora, quibus in Svecia cluebatur. Quot impedimenta viro amovenda, cum cælibatum naturæ perinde ac priscis reipublicæ moribus contrarium clericis injuncturus esset? quanto discrimini obviam eundum ab ipsis, quorum auxilio fretus erigi debuisset? Nihilominus colla pertinacia jugo duro submissa sunt; quin res præter expectationem Guillelmo tam bene cessit, ut pontifices omnino necessarium ducerent, onus sublevare, quod minister suus fidissimus durius imposuisset. Guillelmus callidissime utrique sese gerebat, tempori hominibusque inserviens, præsentem rerum statum in rem suam convertens. Qua in re multum differebat a compluribus legatis sedis apostolicæ, qui dictatura, quam a rerum dominis acceperant, freti

ac elati imperia et iras principum eludere auderent. Ille vero circumibat prensabatque reges, quos prudentia, strenua opera maximisque officiis ad amicitiam adjungere vellet. Auctoritatem ergo pontificiam cum potestate regia concilians et jungens non poterat, quia clero, insolentiori nimirum, dominum sese præberet spiritusque nimios frangeret, si quando contra commoda tam reipublicæ quam ecclesiæ contumacius consuleretur. Itaque factum est, ut splendidam hierarchiæ imaginem, qualis ineunte sæculo XIII inter tenebras Europæ coruscabat, ob oculos ponens rebus publicis et ecclesiasticis deterere posset, quicquid in earundem habitu a forma papalis ecclesiæ per decursum sæculorum factâ discreparet, eandemque fæderet aut fædere videretur.

Porro si tria commoda palmaria spectaverit, quæ Guillelmus Sabinus in Svecia papæ conciliabat, *cælibatum* dico, *jus canonicum* et *capitula*, pauca modo in forma ecclesiæ Svecanæ cum pontifici desideranda reliquisse quis neget? Eo enim ferebant consilia hierarchiæ, ut ruptis omnibus vinculis, qui-

bus cum populo et rege clerus cohereret, ecclesia a republica revelleretur, arctius autem contraheretur invicem societas ecclesiasticorum et communio quasi membrorum unius corporis, cujus caput dirigens in Capitolio alta cervice emergeret. Deque Capitolio baculus pastoralis eadem protendendus vi, quæ gladius olim, cum idem nondum armis præcellerent. Rempublicam vero sic deprimere, ut evaderet solum ministra aut serva potius ecclesiæ unius, sanctæ, apostolicæ et catholicæ, fuit accessio systemati hierarchiæ subjuncta, quæ quidem præferoci ore Bonifacii VIII ample et magnifice sonabat *), sed etiam adverea fortuna ejusdem pontificis et infirmitate sequentium meri soni inanes judicabantur. Guillelmus utique ratione et usu melius fuit edoctus, quæ ut placita ejusmodi vanissima temere perferre conaretur.

*) Vid. Bulla: "Unam sanctam." (Extrav. comm. l. I. tit VIII c. I in corp. jur. can. II. p. II39), quæ præbet ideam hierarchiæ consummate.

II.

Denique his litteris mandetur, quid de annis extremis Guillelmi Sabini nobis constet, viroque tam illustri justa fiant.

Post labores et discrimina legationum Guillelmus in Galliam sese recepit illud orium, quod frustra olim aucupatus erat^{a)}, tum demum sequuturus; sed brevi post fato cessit amicū, quo nullus carior, sequuturus. Inter quinque cardinales, qui papam extorrem comitati in Gallia mortem oppetiverunt^{b)}, Guillelmus noster referendus etiam. Quem ante X cal. Jan. a. 1252 vita excessisse litteræ probant Innocentii IV illo die scriptæ, quibus episcopatus Wykensis et Osiliensis iisdem describuntur finibus, qui a Guillelmo Sabino *defuncto* constituti erant^{c)}. E Matthæo Parisio visum adducam psychologis maxime memorandum, quod sub tempus vitæ supremæ cardinali apparuisse fertur. Seni, dum in-

^{a)} Cfr. Mabillon. anal. vet. nov. ed. p. 483.

^{b)} Nicol. de Curbio vit. Innoc. IV. c. 29.

^{c)} Bullæ et confirmatoria et executoria e registro Osiliensi in diplom. Langeb. ms. recepta est.

tegra valerudine etiamnum gaudebat, accidit, ut famosus ille card. Otto, Guillelmi amicissimus, paulo ante mortem ademptus, ipsi videretur in frequentia manuum assidens sodali venienti locum cecidisse atque dixisse, „ne sollicitus esset Guillelmus de hospitio Genuæ habendo^{d)}, quia hic secum hospitium mox habiturus esset^{e)}. Qvod ostentum cum mortem instantem portendere videretur, Guillelmus rebus suis dispositis brevi post e vita migravit.

Sepultus est apud dominicanos Lugdunenses elogio sepulchrali hoc ornatus^{f)}:

Hic jacer

Zelantissimus prædicator atque

Laudator nominis Jesu Christi;

Assertor fidei et totius veritatis;

Vir permagnæ sanctitatis et or-

d) Tum scilicet mortuo Friderico II Innocentius IV in Italiam redire paravit.

e) Mathæi Paris. hist. maj. (ed. Par.) p. 546; cfr. Raynald. ann. I. p. 606. Ciacconii gesta pont. et card. p. 554.

f) Ughelli Ital. sacr. I. 198.

nameutis pietatis, Pater venerabilis, Guillelmus, Sabinus Episcopus Cardinalis!

Est cæterum, quod mireris scriptores in constituendo tempore, quo mortuus vir celeberrimus, ita contra veritatem et testimonia historiæ committere posse, ut alter a. 1248 illum e vivis excessisse tradat *g*), alteri vero nomine Alexandri IV. solium Petri conscendisse eum referant *h*).

g) Auſtor annalium Island. in Langeb. Script. R. D. III. p. 97.

h) Petri Dusburg. chron. ed. Hartknoch p. 122. Dlugoss. hist. Polon. I. p. 690. Nescio an Jacobus Pantaleo, qui perinde ac Guillelmus Sabinus in rebus Poloniæ et Borussiarum componendis et moderandis operam collocaverat, a. 1261 pontifex renunciatus (Ciacconii gesta pont. p. 578) et Urbanus IV vocatus errorem huncce creare potuerit.







